

OM a informa De Meza si e ta sospechoso



Pagina 2

- **Segun parlamento Otmar Oduber: CAft a haci mal uso di crisis di pandemia pa pone condicionnan**
Pagina 4
- **Gobierno di Aruba ta anuncia strategia pa refinanciamiento di debe den 2025**
Pagina 3
- **Minister Wyatt-Ras no kier contesta si lo paga dunadornan di cuida indexering di 11.7%**
Pagina 6

Militarnan di Aruba ta train na Corsou



Pagina 6

Bonerianonan ta lanta contra violencia despues di morto di mucha homber di 15 aña



Pagina 8

Merca ta blokea transferencia di tres institucion financiero basa na Mexico, acusa di yuda cartel



Pagina 10



SCAN FOR MENU



DRUNKENfish

DIVE INTO ARUBA'S FRESHEST SEAFOOD, JUICY BURGERS, AND KILLER COCKTAILS!

J.E. Irausquin Blvd 370, Noord, Aruba. Reservations: (+297) 699-5090. WWW.DRUNKENFISHARUBA.COM



FOLLOW US

[@DRUNKENFISHARUBA](#)

OM a informa De Meza si e ta sospechoso

Ayera Corte a duna veredicto den e caso cu parlamentario Mike de Meza (AVP) a entama contra Ministerio Publico, pa forsa OM bisa De Meza si e ta sospechoso den un caso, y kico e acusacion ta. Segun OM a informa den un comunicado di prensa, a cumpli cu e decision di hues mesora.

“Formador no ta propone un candidato si ta sospechoso den caso criminal andando”

Despues di e prome audiencia di e caso di De Meza contra OM den corte siman pasa, Bon Dia Aruba a puntra De Meza kico esaki ta nifica pa su nombramento como minister. “Ami ta bringa e acusacionnan aparentemente cu tin of no tin contra mi. E camindanan ey mi ta cana,” el a contesta. “E nombramento di minister cu eseynan ta den man di prome minister [Mike Eman]. No ta den mi man,” confirmando un biaha mas cu e decision ta den man di prome minister.

Tocante e nombramento como minister, e vonnis di e caso ta menciona cu “prome cu nombramento” como minister, “Procurador General ta haci un investigacion hudicial. Den e contexto ey, PG ta duna un declaracion indicando si e candidato ta of tabata sospechoso den un investigacion criminal andando of conclui, a menos cu interes di e investigacion opone esaki. E formador no ta propone un candidato pa nombramento si e candidato ta sospechoso den un caso criminal andando.”

Den un carta fecha 5 di juni ultimo, abogado di De Meza a manda un e-mail na OM declarando cu “a haci un declaracion cu ta haciendo screening di Sr. De Meza pasobra supuestamente e ta involucra den un caso criminal, y cu a duna un declaracion relevante.” Aki, OM a contesta cu “asina cu e investigacion permiti, OM ta bay tuma contacto” cu e abogado y su cliente. Dia 9 di juni abogado di Meza a e-mail solicitando informacion riba di kico ta sospecha De Meza.

Di su banda, De Meza a pidi hues pa duna orden na OM pa inmediatamente inform’e di e naturalesa y motibo di e acusacionnan contra su persona, argumentando cu keda marca como sospechoso pa OM ta dun’e derecho pa keda informa mesora di e



cargonan den su contra. Nenga di duna e informacion ta viola Artículo 6 di Comision Europeo di Derechonan Humano (ECHR) y legislacion relaciona. E situacion actual ta afecta su reputacion personal y politico y ta crea intranquilidad publico, De Meza a argumenta.

Tin cargo contra De Meza?

OM a argumenta cu mester rechasa e definicion, declarando cu no tin ningun “cargo” contra De Meza manera defini den ECHR of legislacion similar, y cu apenas e investigacion a cuminsa y no a tuma un decision tocante persecucion legal ainda.

Den su evaluacion, hues a evalua si tin un “cargo” contra De Meza segun e definicion di Artículo 6 di EHCR, Artículo I.6 di Constitucion di Aruba, y Directiva 2012/13 di UE tocante e derecho pa informacion riba proceduranan criminal, cu ta otorga “cualquier persona acusa di un ofensa criminal” cierto “derecho minimo” cu ta inclui informacion rapido tocante e naturalesa y causa di e acusacion den su contra.

Corte mester a determina si De Meza actualmente ta parti den un proceso hudicial. Segun hudisprudencia di ECHR, esaki ta inclui no solamente aviso oficial sino tambe medidanan implicando cu e persona ta sospecha di a comete un crimen.

Mientras cu De Meza a argumenta cu ya el a keda “acusa” y tin derecho di keda informa di e sospecho cu tin den su contra, corte a haya cu no por asumi y validez factual di esaki. OM a declara cu no por duna comentario pa motibo di obligacionnan di confidencialidad segun Artículo 23 di LIM, di cual su violacion ta castigable, y p’esey na e momento no a ni confirma ni rechasa e declaracion di De Meza.

Corte tabata di acuerdo cu, hasta si loke De Meza a bisa ta berdad, declaracionnan confidencial haci na prome minister tabata solamente pa informa e formador, y no tabatin intencion pa inicia e proceso penal contra De Meza. Esaki ta den linea cu e declaracion di OM cu no a tuma decision pa cuminsa e proceso penal ainda. Y mientras cu De Meza a argumenta cu e comunicacion di prome minister na su persona mester keda interpreta como un acusacion, corte no tabata di acuerdo cu esaki.

Balansa di prioridad

Segun corte, si no tin un “cargo” contra De Meza manera defini den Artículo 6 di ECHR, e ora ta keda na discrecion di OM si ta informa un persona, of na ki momento, si ta un sospechoso. Ley ta limita esaki na casonan dia resto of prome cu e prome audiencia di polis, segun Codigo di Procedura Criminal.

Corte a agrega cu accionnan

investigativo y penal mester balansa interesnan di manera husto. Revision hudicial ta aplica pa determina si a eherce discrecion rasonablemente. Si no, e por señala un desviacion di politica. Corte a haya cu e caso aki mester a duna atencion na e existencia di sospecha y su consecuencia publico, specialmente ya cu por afecta e futuro politico di De Meza. Tambe a considera cu e circunstancianan inusual ta hustifica claridad a corto plaso tocante si De Meza ta sospechoso den un caso criminal andando.

Na mes momento, mester duna OM tempo pa investiga dilitentemente prome cu dicidi si ta bay cuminsa un proceso penal. Pa e motibo aki, hues a conclui cu no por a sostene e posicion di OM den no informa De Meza.

Mester informa De Meza si ta sospechoso

Basa riba e consideracionnan menciona ariba, corte a duna orden na OM pa informa De Meza por escrito, dentro di 14 dia, si e ta sospechoso den un investigacion andando, y si ta asina, di ki ofensa criminal e ta ser sospecha, incluyendo number di articulo y/of cualificacion legal. Tambe a duna orden pa aplica e decision aki inmediatamente, hasta si bin un apelacion.

Den un comunicado di prensa, OM a reacciona bisando cu Ministerio Publico a cumpli cu e decision di Huez di 25 di juni 2025 den e caso sumario

di señor De Meza. “Ministerio Publico a informa señor De Meza den un carta si e ta/no ta sospechoso den un investigacion cu ta andando y di cual articulo den Ley ta trata. Huez a rechasa e peticion di señor De Meza pa duna Ministerio Publico ordo pa pone na haltura di e naturalesa y motibo di e acusacionnan contra dje. A consecuencia Ministerio Publico no a duna ningun declaracion tocante esaki tampoco na señor De Meza,” OM a skirbi.

Tocante e caso mes, OM a bisa cu “mescos cu Ministerio Publico, Huez ta di opinion cu ciudadanonan cu ta wordo sospecha di a comete un hecho castigable, normalmente tin derecho na informacion solamente na momento cu nan wordo informa cu nan ta sospechoso ora nan ta wordo deteni, interroga of invita pa interrogacion. Esey no ta e caso aki.”

Ademas, OM a bisa cu “na ningun momento Ministerio Publico a bisa señor De Meza cu e ta sospechoso. P’esey Ministerio Publico no ta obliga pa informa señor De Meza ainda.”

Sinembargo, Huez a determina cu den caso di señor De Meza, por papia di circunstancianan excepcionales y di peso, door cu e ta un candidato pa minister. P’esey Huez a dicidi cu den e caso specifico aki, Ministerio Publico mester informa señor De Meza dentro di 14 dia si e ta sospechoso den un investigacion cu tin andando y, si ta asina, den cua articulo den ley e sospecho contra dje ta basa.

No obstante, Huez a determina tambe cu Ministerio Publico no ta obliga pa revela e naturalesa exacto, ni e motibo di e sospecha, manera señor De Meza a pidi den e kort geding.

Formador mester tuma decision

Mientras cu cualquier sospecho contra De Meza ta algo cu manera e mes a bisa, e lo mester bringa su mes, su nombramento como minister ta keda, manera semper, den man di formador. Prome minister ta esun cu mester tuma un decision awo pa nombra De Meza como minister, y ta e ta esun cu sa precies si De Meza ta sospechoso den un caso, y si ta asina, cu no por nombr’e. Entre tanto, prome minister Eman mes no a duna un declaracion den e caso.

Gobierno di Aruba ta anuncia strategia pa refinanciamiento di debe den 2025

Durante un conferencia di prensa ayera mainta, minister di Finanzas, Asuntunan Economico y Sector Primario, Geoffrey Wever a elabora riba e refinanciamiento di debe di pais Aruba pa aña 2025 y e proceso di esaki.

Minister Wever a splica cu pais Aruba tin un debe nacional riba mercado local cu por ehempel banco, companianan di seguro, y institutonan internacional, por ehempel banconan na Merca cu ta yega na un suma di mas o menos 1 biyon dollar. Aruba tin tambe un debe cu Hulanda, e debe di Covid, di 916 miyon florin cu a ser presta durante Covid.

El a indica cu varios di e debenan aki tin nan fecha di vencemento y mester ser paga back. El a sigui splica cu tur aña nan ta haci e ehercicio aki y e aña aki Aruba mester paga back un suma 533 miyon florin na debe.

E mandatario a splica cu e debenan ey ta ser paga den tres modalidad. Un di e modalidadesnan ta cu ta pag'e cu e surplus. El a indica cu na e momento aki pa 2025 e surplus di pais Aruba ta proyecta na 78 miyon florin cu ta ekivalente na 1.2% di Aruba su GDP. E suma aki lo ser usa pa paga back parti di e debenan aki, pero manera por mira esey no ta suficiente pa por paga full e debe.

E otro modalidad cu ta ser usa pa paga e debe, minister Wever a splica, ta cu ta haci prestamonan nobo pa paga esunnan bieu y ta extende e fecha di vencemento.

El a indica cu gobierno a caba di cera un prestamo riba mercado local di dos transhi pa un total 165 miyon florin na principio di juni di e aña aki. E mandatario a splica cu esaki



tabata un trabou cu Directie Financien a haci, un trabou extensivo hunto cu Banco Central pa nan por prepara full e proceso pa subi mercado local pa haya e companianan di seguro y banconan interesa.

Minister Wever a splica cu e proceso a bay den un forma hopi positivo y aunke a puntra mercado pa dos transhi di prestamo, cu ta yega na total di 165 miyon florin pa debenan cu tabata caducando na e momento ey, tabatin un inscripcion di mas o menos 380 miyon florin, cual mas cu dos biaha di locual gobierno tabata su necesidad di likides.

“Esey ta un refleho cu mercado tin confiansa den e credibilidad financiero di pais Aruba, den e maneho financiero, den economia di Aruba y di e forma ey ta wak cu tabatin un ‘oversubscription’ y esaki ta hiba tambe na un resultado positivo cu door di e mecanismo di inscripcion e banconan a ofrece interesnan mas abou di loke a ser proponi y ta hiba nos na un ganashi

riba e transaccion aki tambe di 10 miyon florin adicional di cual 5 miyon ta ser usa pa reduci debe y otro 5 miyon ta bay pa inversion den e pais, segun e reglanan presupuestario,” e mandatario a remarca.

El a indica cu e prestamo aki a ser cera y e prome transhi ta di 100 miyon florin pa 14 aña na un interes di 6% y e di dos transhi ta di 65 miyon florin pa 8 aña na un interes di 5%. E interesnan aki, minister Wever a remarca, ta porcentahenan atractivo conforme cu locual gobierno di Aruba normalmente ta encontra.

Na banda di esaki, el a agrega, ainda tin un parti cu falta cu ta e debenan externo cu ta na un balor di mas o menos 150 miyon dollar cu ta caduca na principio di september di e aña aki.

El a splica cu na e momento aki gobierno di Aruba ta haciendo e tramitenan pa subi mercado internacional. El a menciona cu durante su biahe pa Washington den luna

di april hunto cu su delegacionnan a bishita diferente banco cu ta interesa pa presta Aruba placa.

El a sigui splica cu nan a ripara cu e banconan, a pesar di tur e desaroyonan geopolitico y incertidumbre cu tin riba mercado, ta keda interesa y tin confiansa den e credibilidad financiero di Aruba. Pa e motibo ey, el a indica, nan a haya hopi banco cu ta dispuesto pa presta Aruba e 150 miyon dollar cu Aruba mester na principio di september pa paga e debenan internacional.

Minister Wever a indica cu dialuna awor tin e peticion riba agenda di Consejo di Minister di Reino na Hulanda pa aproba e prestamo aki. El a splica cu tur prestamo externo cu Aruba haci, pafo di e mercado di Reino, mester di un aprobacion di Hulanda segun articulo 29 di statuut y gobierno a encamina e proceso ey pa hay'e na tempo pa por subi mercado y haya e placa aki pa nan por cumpli cu e debenan cu ta vence na september.

E mandatario a remarca cu e prestamonan cu gobierno ta drentando den dje na e momento aki, no ta nifica cu Aruba ta prestando placa atrobe y ta aumentando e debe nacional. El a splica cu mas bien nan ta reduciendo e debe cu e surplus y ta refinancia e parti cu ainda nan no por paga full di nan propio fondonan.

“Por ehempel durante Covid e relacion entre e debe nacional y economia, e debt to

GDP ratio tabata mas o menos 127% cu ta hopi halto y cu no ta ser bon mira door di inversionistanan, door di banconan, agencianan di rating. Den e prome kwartaal di 2025 ta na 70% di debt to GDP ratio. Ta mira cu e debe nacional, den comparacion cu e economia ta reduciendo drasticamente, locual ta un hopi bon señal y ta ser bon ricibi door di agencianan di rating y banconan cu ta inverti den Aruba,” el a subraya.

El a agrega tambe cu e parti di debe cu mester paga e aña aki back 69% ta debenan di prome cu 2017, debenan cu a ser haci den pasado cu aworaki mester ser paga back, 16% ta debenan saca na 2020, 5% ta debenan na 2021, y tambe 9% ta un debe di 2023 cual ta e prestamo di Covid.

El a indica cu cada aña tin diferente prestamo ta caduca. E aña aki tin 16 prestamo cu a ser cera den pasado cu ta caduca y cu e suma menciona ta pagando cada un di nan.

Minister Wever a enfatisa cu maneha e parti di pago back di e debenan ta un proceso complica y cu mester ser encamina cu tur seriedad. El a splica por mira cu por ehempel e agencianan di rating y banconan ta monitor di cerca kico Aruba ta haci, con Aruba su finanzas publico ta ser hiba, con e performance di economia ta, con e performance di inflacion ta y con Aruba ta maneha su finanzas publico y debe.

“Na e momento aki e manera con e mercado ta reacciona tin hopi confiansa den e maneho financiero di pais Aruba y tambe den economia di Aruba. Esaki ta un proceso largo. Ora bo ta construi un pais cu institutonan fuerte y bo ta inverti den bo profesionalnan, den bo capacidad, esaki ta refleha back den e resultado cu ta ser presenta awe,” el a resalta.

FINANCIAMIENTO 2025		Na 2025 Gobierno mester paga back 533.8 miyon florin na debe.	
Financiamento 2025	AFL	Esaki ta paga back cu	
Surplus B/2025	78,000,000	1. Surplus	78 miyon florin
Lening nr. 200 - binnenland	100,000,000	2. Tres (3) bono domestico	186 miyon florin
Lening nr. 201 - binnenland	65,000,000	3. Bono internacional	270 miyon florin
Lening nr. 202 - buitenland*	270,000,000		
Lening nr. 203 - binnenland	20,856,536		
Total pa di debe pa paga den 2025	533,856,536		



Segun parlamentario Otmar Oduber (PPA):

CAft a haci mal uso di crisis di pandemia pa pone condicionnan

Ayera mainta lider di fraccion PPA, parlamentario Otmar Oduber a tene un conferencia di prensa durante cual el a trece dilanti diferente topico. Un di e topiconan tabata tocante e reunion cu Parlamento di Aruba a tene recientemente cu e Secretariado di e Colegio di Supervision Financiero di Aruba (CAft) caminda nan a duna un splicacion di nan trabounan.

Parlamentario Oduber a indica cu como lider di fraccion e ta aprecia e trabou cu ta ser haci den cierto sentido, pero alabes el a remarca cu loke fraccion PPA a pone dilanti hopi cla durante e reunion tabata e posicion hopi critico cu PPA a pone su mes aden den e reunion teganover di e Secretariado di CAft.

El a splica cu entre otro, como lider di PPA, el a muestra riba e hecho con ta posibel cu den e prome cinco aña prome cu pandemia practicamente no a mira un mehoracion den e finanzas publico di Aruba. El a indica cu, mas leu ainda, ora mira cu di momento cu CAft ta presente na Corsou y Sint Maarten y cu nan a drenta den nan Status Aparte, y mira unda nan ta awe, por mira cu no necesariamente tur loke CAft bisa of presenta como recomendacionnan ta cosnan cu ta resulta positivo pa e comunidad y sociedad di un pais.

Parlamentario Oduber a indica cu CAft no tabatin contesta fiho cu por a ser duna. El a splica cu fraccion PPA a muestra riba e hecho cu CAft como instituto cu ta raporta directamente na Consejo di Minister di Reino na Hulanda, a haci uso di un situacion di crisis, manera cu tabata e



caso na momento di pandemia di Covid, “pa despues di esey cu cuchiu na garganta” pa na cierto momento obliga gobierno y parlamento, bay di acuerdo cu cierto condicionnan pa motibo cu si no lo a bay di acuerdo e ora no lo tabatin placa durante pandemia, momento cu Aruba no tabatin entrada pa motibo cu mester a cera frontera y turismo a bin 100% abou.

“Nan a haci mal uso di e oportunidad ey pa pone condicionnan. Mi no t’ey pa defende ningun gobierno pero mi ta imagina mi cu cualkier politico cu na e momento ta bela pa su comunidad ta hay’e forsa di firma documentonan cu normalmente bo no ta firma bou di condicionnan normal,” el a remarca.

E parlamentario a splica cu esey ta conta no solamente den e caso aki, pero e ta conta den tur caso. El a subraya cu momento cu ta firma algo y ta bay di acuerdo cu algo, refiriendo especificamente na e ruta di Rijkswet cu a ser inicia e tempo ey, no ta corecto pa cuminsa e ruta “bou di menasa, bou di presion, bou di e circunstancianan cu tabatin e momentonan ey.”

Oduber a remarca cu cualkier contract, den cualkier otro tereno, cu ta ser firma prome cos cu etica ta bisa ta cu mester firma na un forma habri, transparente y cu di tur dos banda ta bay di acuerdo cu e contract. El a indica cu den e caso aki Aruba no tabatin opcion pa bisa cu e no ta firma pasobra si e no firma lo tabata

nifica cu durante pandemia placa no lo a yega pa por ehempel hospital sigui draai, pa KPA por a sigui draai, pa e economia y un cantidad di hende cu a haya placa e tempo ey por a sobrevivi y pone cuminda riba nan msa.

“Asina erg e situacion tabata cu nan a usa e tempo ey pa duna consehonan cu a primi e garganta di e pueblo di Aruba mediante su gobierno y parlamento,” el a enfatisa.

El a splica cu el a menciona esaki pasobra el a muestra riba e hecho, cual ta loke fraccion di PPA ta keda para p’e den e discusion di Rijkswet, cu articulo 36 y 38 di Constitucion di Reino caminda ta papia di sostene otro den momentonan di crisis.

“Pandemia tabata algo cu a baha bin riba nos cu nos a pidi placa no pa nos inverti, no pa nos paga pa ambtenaar, no pa nos cosnan cu nos tabata desea, si no pa nos hendenan por sobrevivi cu ta e prestamo di 800 miyon durante pandemia cu Hulanda awe ta cobra un interes riba dje y naturalmente tabata kier condiciona na e forma cu e kier condicion’e y eynan ta caminda nos tin e problema,” el a subraya.

El a indica cu CAft no por a duna contesta y nan a bisa cu nan ta haya cu esaki ta discusionnan politico cu mester tuma lugar.

Parlamentario Oduber a indica cu el a muestra nan riba e hecho si cu ta a base di recomendacionnan cu nan a haci

den por ehempel caso di AZV caminda cu mester a corta 50 miyon pa aña den AZV durante pandemia.

El a remarca cu loke CAft a haci laba man riba e discusion cu tabatin caminda PPA a bisa cu ta imposibel cu por a tuma un decision asina pa despues mira cu e tabata totalmente innecesario, pero cu tabatin su consecuencia pa salud y bida di hende pasobra a bay corta caminda no tabatin necesidad pa corta. “Awe ta djis laba man y bisa cu ta conseho nos ta duna, otro ta tuma decision, nos ta mand’e pa Consejo di Minister di Reino,” el a indica.



Oduber ta enfatisa cu mester bira e discusion den cuadro di Rijkswet caminda mester bisa cu nan mester respeta e Constitucion di Aruba y articulonnan 36 y 38 y acurdonan cu Aruba tin como pais autonomo.

El a agrega cu el a hasta menciona cu como fraccion PPA nan ta propone un begroting-skamer caminda ta hinca den dje tur e normanan aki pa sigura cu si kier cambi’e mes, ta dos tercera parti di parlamento cierto momento mester bay di acuerdo pa cambi’e cual ta duna e garantia na Hulanda cu no mester, pa ora kier cambia un ley of termina un ley, mester bay na Consejo di Minister di Reino of na Tweede Kamer of otro instancia pa por determina algo cu ya caba Aruba tin derecho riba dje.

Por ultimo el a indica cu di parti CAft na cierto momento a pidi disculpa pa formanan cu nan tabata presenta nan mes. El a indica cu practicamente tur fraccion, cu excepcion di un fraccion, a para duro contra nan y exigi un disculpa di parti CAft pasobra cierto momento nan a bisa cu si e prijs pa tin un autonomia ta esaki y nan mester pag’e. “A bisa nan cu absolutamente cu no, nos no ta trata otro asina, nos no ta kere cu den Reino mester trata otro,” el a enfatisa.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Con bon ley di... Screening ta...?

Despues di e veredicto den e caso sumario cu e candidato pa ministro a entama contra Ministerio Publico, a keda e realidad cu mester warda ainda kico ta bay sucede. Ministerio Publico lo tin dos siman despues di e decision pa informa e candidato si e ta sospechoso den un investigacion penal, y si ta asina di cual delito ta trata den e sospecho. Esey ta habri e posibilidad pa dos decision di OM. Uno, cu tin en berdad un investigacion penal andando, loke lo significa cu no por tuma lugar un proposicion di su persona como ministro. E otro opcion ta cu, mirando e hechonan investiga, OM ta dicidi cu ta 'seponer' e caso y ta informa e persona cu no tin un investigacion mas.

Pero na e momento aki nos no mester keda analiza e caso aki como algo separa, pero sigur tambe como e promer experiencia cu e ley nobo aki, di integridad ministerial. Y aki tin asunto pa considera.

Pa inicia, algo di e historia dificil di e ley aki. E version cu finalmente a mira aprobacion den Staten, tabata e di siete version (tur di iniciativa) cu Raad van Advies (RvA) a haya pa duna nan opinion den seis aña. Desde 2013 tabata existi un decreto (landsbesluit) cu reglanan basico pa screening, pero politiconan no tabata satisfecho cu esey. Durante e proceso largo, te na 2021 cu e version actual a yega na RvA, tur e versionnan incluyendo esun aproba, a conta cu critica pisa di e organo di consulta. Y a pesar di e aprobacion na 2022, por ripara cu cierto asunto lo mester mas especificacion. En todo caso, RvA mester a conclui cu tabata trata di un actitud di indecision y un falta di diligencia. "E incapacidad di e organo estatal mas halto di e Pais pa haya un base comun y na interes di integridad administrativo pa regla e materia aki via ley, no ta solamente decepcionante pero tambe ta yama pregunta tocante e madurez democratico y e voluntad pa di berdad logra cambio." Esey ta papia pa su mes.

Talvez tabata trata tambe di algo cu RvA no por bisa, esta cu por tabatin otro interes, politico o di otro indole, pa trata di logra un ley di iniciativa di parlamento, tur tabata di iniciativa, cu ta duna e posibilidad di un 'toque personal'. Di tur manera, despues cu a lidia pa añanan largo cu e ley tocante integridad aki, ya nos ta mira cu e accionnan alrededor di e screening ta muestra riba posible deficiencia den e ley, cu por regla mas specifico den un decreto nacional al caso. Laga nos ilustra esaki cu e parti di ley cu ta concerni exactamente e tema di un investigacion penal andando.

E articulo di e ley (art. 8 e) ta bisa, cu e formador no ta pasa pa haci un proposicion, si "e candidato ta sospechoso den un investigacion penal andando, involucrando un delito". Un pregunta interesante ta: cuanto tempo ta warda pa un eventual caso keda suspendi, pa e candidato por sigui su caminda? Den e caso actual huez a reconoce e urgencia y a dicta cu mester tin un decision di OM dentro di dos siman. Si ta seponer, e asunto ta cla, pero si dicidi cu tin un investigacion penal andando, segun ley e Formador no por propone e candidato aki. Pero esey ta oblig'e na pidi pa nombra otro? E por opta pa tene e puesto habri, pa eventualmente propone e persona, si mas despues den e proceso no lo tin un continuacion cu un caso penal? No mester lubida cu aki ta trata solamente di un investigacion penal, cu si of no ta resulta finalmente den un caso penal den corte. E decision ey lo bin despues, hasta si dentro di dos siman tin un decision cu en berdad tin un investigacion penal cu ta continua.

Otro asunto ta e consejo (secreto) cu e diferente departamentonan mester entrega na formador y Gobernador. Den e caso actual por a mira cu e candidato a acudi na departamento di impuesto, mas exacto cerca Inspector di impuesto, pa un declaracion fiscal cu posiblemente lo a contene por lo menos parti di e e rapport (confidencial) cu a bay pa Formador y Gobernador. For di e carta cu e base di apoyo di e candidato a manda pa Rey Willem-Alexander, por comprende cu e peticion pa e declaracion fiscal no a keda honra y e candidato a bay corte cu e departamento. Esaki ta implica cu e departamento a actua correctamente, nengando e documento. Pero, e candidato mester tabata sa mihor, cu bay existi un declaracion en medio di un proceso confidencial. Cu esaki e mes posiblemente a causa cu, hasta si finalmente no tin un investigacion penal andando, ta keda e problema cu su papel den trata di haya e documento pa, segun por supone, influencia e caso di screening, na vista publico. Pregunta: mester pensa riba regla di conducta cu e candidatonan mester mantene, pa respeta e proceso confidencial ey, cu ta existi desde 1986 caba? O por scoge pa un otro opcion, esta cu ta laga esey na consideracion di e autoridadnan cu ta dicidi finalmente riba e nombramento, cu no ta na Aruba? Otro pregunta: a bin cu e ley local pa por influencia e proceso confidencial, manera a tuma lugar den e caso aki? Ta pesey ningun ta comenta cu, screening local of no, ken ta dicidi si bo ta bira ministro? A kere cu asina politiconan local lo tin mas gara riba e proceso? Na ken su beneficio?

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Aruba Agriculture Development Company N.V. presenta como e vehiculo pa promove agricultura comercial na Aruba

Diamars atardi, Minister di Finansa, Asunto Economico y Sector Primario, Geoffrey Wever hunto cu e director di Aruba Agriculture Development Company N.V. (AADC), Sr. Jeremy Croes a presenta e desaroyonan di Aruba Agriculture Development Company N.V. (AADC) den un presentacion oficial na Parlamento.

E empresa estatal, cu ta 100% propiedad di Gobierno di Aruba, a bira operacional na



maart 2024 como un instrumento clave pa realisa e mision nacional di stimula agricultura, diversifica economia y garantisa seguridad di cuminda pa pueblo di Aruba. "E creacion di AADC no ta

solamente un paso strategico, pero un compromiso firme cu futuro di Aruba. Nos a tuma e prome paso pa un sistema agricola comercial cu ta innovativo y sostenibel," segun Minister Wever.

AADC: Un base pa crecemento structural den sector agricola
E Aruba Agriculture Development Company N.V.(AADC) tin como mision pa desaroya un pilar economico fuerte y resiliente riba nos isla, cu enfoca riba produccion local, uso di tecnologia, y sostenibilidad. Den su strategia ta inclui: Inversion den infraestructura y tecnologia moderno pa cultivo den cas; Fortalecimiento di capacidad local via formacion y asesora-

mento strategico; Sosten financiero via micro-prestamo; Construcion di un parke di innovacion agricola cu centro di excelencia.

AADC ta opera na manera autonomo, bou di liderazgo di director Sr. Jeremy Croes. E empresa ta traha den colaboracion cu entidadnan gubernamental manera DE-ZHI y Santa Rosa, y tambe cu partnernan priva manera Qredits Aruba y instituto di conocimiento manera Priva.

Militarnan di Aruba ta train na Corsou

Defensa di Region Caribe a comparti e siman aki algun imagen di militarnan di Aruba participando den training hunto cu militarnan di Corsou.

"Mas cu 90 militar Caribense di Aruba y Corsou ta practicando infiltracion tactico, patruxa di reconnaissance, ehercicio di tiramento y prestacion den areanan urbano," a informa riba pagina di Facebook di Defensie Caribisch Gebied. Segun e comunicado, e ehercicionan ta tumando lugar na Wacawa, Ascension y Playa Santa Cruz na Corsou. Manera a informa anterior-



mente, e mas di 90 militar Caribense ta participando den ehercicio 'Caribbean Strike' na Corsou. Caribbean Strike ta parti di e desaroyo

profesional di ehercito di Caribe. Door di train intensivamente den escenarionan realistico, e preparacion y capacidad pa keda desplega di

tanto e unidadnan di Aruba como di Corsou ta keda reforsa. Ehercicionan manera esaki ta esencial pa prepara e militarnan optimalmente pa

nan tareanan na e paisnan, incluyendo duna asistencia den evento di crisis of calamidad.

Parlamentario Dangui Oduber (MEP):

Minister Wyatt-Ras no kier contesta si lo paga dunadornan di cuida indexering di 11.7%

Ta casi 1 luna pasa cu Parlamentario Sr. Dangui Oduber a haci varios pregunta na minister Wyatt-Ras referente e pago di indexering di 11.7% na dunadornan di cuida. Aunke Parlamentario Oduber ta pendiente di e contesta. Fraccion di MEP a haci mas di casi 800 pregunta na gobierno y ainda nos ta en espera di e contestanan. Gobierno tin un meta, haci, deshaci y stroba Parlamento di haci su trabou y sconde informacion pa pueblo.

Como minister saliente di

salud publico nos a manda un instruccion pa AZV cumpli cu e pago di indexering pa tur personal di cuida. Nos gobierno a percira pa duna indexering di 11.7% na tur empleado publico y nos ta kere cu awor cu tin espacio financiero e ta mas cu husto y na su lugar pa minister Wyatt-Ras percira pa e decision aki wordo ehecuta. Ta spera cu minister Wyatt-Ras no cambia e decision manera cu e la haci cu e lista positivo di remedinan caminda awor keto bay tur hende mester paga pa 92 remedi. Nos mester por balora nos personal di cuida, nos tin cu



duna nan e respet y nos tin cu percira pa nan tin un salario husto. E no ta un trabou facil y nan ta esnan cu specialmente durante pandemia a traha bao di un presion enorme. Awe cu tin placa, awe cu tin surplus di 106 miyon florin ta mas cu na su

lugar pa duna tur personal di cuida e mesun indexering cu empleadonan publico a haya. Tambe nos a laga traha un rapport pa asina percira pa specialistanan tambe wordo duna un miho compensacion y ta spera cu esaki tambe wordo cumpli cune.

Ta un falta di respet cu ainda minister Wyatt-Ras NO a contesta ningun di e preguntanan cu a wordo haci na dje como tampoco a duna claridad si dunadonan di cuida lo ricibi nan pago di indexering di 11.7%. Nos ta exige claridad di parti minister Wyatt-Ras, no por ta asina cu AZV

ta landa den placa y ainda NO kier paga indexering di 11.7% na esnan cu ta duna e cuida.

Nos a laga tur cos cla atras pa minister Wyatt-Ras y nos ta spera cu e cumpli cu e decision y percira pa duna indexering na tur personal di cuida. No por tin ningun motibo pa NO duna nan e indexering aki! Nos ta pidi minister Wyatt-Ras pa pone un fecha pa tur esnan den cuida medico ricibi nan indexering di 11.7% cu nan merece. "Ki dia nan ta haya nan pago?" Parlamentario Dangui Oduber ta termina bisando.

Esfuerzo di vacunacion global ta keda stanca, lagando miyones di mucha vulnerable pa malesanan prevenible

(AP)—Esfuersonan pa vacuna muchanan globalmente a keda stanca desde 2010, lagando miyones di muchanan vulnerable pa tetanus, polio, tuberculosis y otro malesanan cu por ta facilmente prevenible.

Proteccion di sarampi en particular a cay den 100 pais entre 2010 y 2019, desenredando decadas di progreso, incluyendo den paisnan rico cu previamente a elimina e malesa contagioso, segun un analisis nobo di trendnan di vacunacion global publica diamars den e journal Lancet.

“Banda di awa limpi, vacunacion ta e intervencion mas efectivo pa protege e salud di nos muchanan,” segun Helen Bedford, profesor di salud di mucha na University College London, ken no tabata conecta cu e investigacion. El a adverti cu tin un aumento chikito pero preocupante den e cantidad di mayornan cu ta opta pa no vacuna nan yiunan den e ultimo añanan cu a pasa, pa motibonan cu ta inclui desinformacion.

Na Britania, Bedford a bisa cu esey a resulta den e cantidad mas grandi di sarampi registra desde añanan 1990 y e morto di casi un dozijn di baby pa via di tos ferino, gradonan di vacunacion na Merca tambe ta cayendo y exencion di vacunacion ta na nivel mas halto awo.



Despues cu e Organizacion Mundial di Salud (WHO) a establece su programa rutinario di inmunisacion na 1974, paisnan a tuma pasonan significativo pa protege mucha contra malesanan prevenible y mortal; e programa ta credita cu inocular mas di 4 bion mucha, salbando bida di 154 miyon mundialmente.

Desde cu e programa a cuminsa, e cobertura global di muchanan ricibiendo tres dosis di e vacuna contra tos ferino y sarampi a casi duplica, for di 40% pa 81%. E porcentahe di muchanan hayando e vacuna

contra sarampi tambe a subi for di 37% pa 83%—un aumento similar pa polio y tuberculosis.

Pero despues di e pandemia di COVID-19, gradonan di cobertura a cay, unda casi 15,6 miyon mucha ta perde e vacuna contra tos ferino y sarampi. Casi 16 miyon mucha no a logra haya vacunacion contra polio y 9 miyon a perde e vacuna contra tuberculosis, cu un impacto grandi den e region sub-Sahara na Africa. E estudio a ser financia pa e Bill & Melinda Gates Foundation y Gavi, The Vaccine Alliance.

Den un compromiso di sosten

pa Gavi, e gobierno Britanico a anuncia diaranson cu e lo otorgo 1,7 bion dollar entre 2026 y 2030 na e aliansa internacional di vacuna. El a bisa cu e placa lo yuda Gavi protege te cu 500 miyon mucha den e partinan mas pover di mundo di malesanan manera meningitis, colera y sarampi, posiblemente salbando 8 miyon bida.

Defensoran di salud a aplaudi e placa pero algun a nota cu e ta menos cu e 2.2 bion dollar cu Reino Uni a priminti durante un periodo di cinco aña desde 2020.

Investigadornan na e Insti-

tuto pa Metrica y Evaluacion di Salud na Universidad di Washington, ken a conduci e analisis den Lancet, a nota cu mas di mita di e 15,7 miyon mucha no vacuna na mundo ta biba den apenas ocho pais den 2023: Nigeria, India, Congo, Etiopia, Somalia, Sudan, Indonesia y Brasil.

Desde cu presidente Mericano Donald Trump a cuminsa retira Merca for di WHO y a desmantela e Agencia pa Ayudo Internacional (USAID), expertonan di salud publico a adverti di epidemianan nobo di malesanan infeccioso. E investigadornan a bisa cu ta demasiado trempa pa sa ki impacto e recortenan aki por tin riba e grado di vacunacion entre muchanan.

WHO a bisa cu tin un aumento 11 biaha mas grandi di sarampi den continente America e aña aki compara cu 2024. Infeccionnan di Sarampi a duplica den e region Europeo na 2024 compara cu e aña anterior y e malesa ta keda comun den Africa y Sureste Asia.

“E ta den interes di tur hende pa e situacion aki ser rectificá,” segun Dr. David Elliman, un peditra cu a conseha e gobierno Britanico, den un declaracion. “Mientras cu malesanan infeccioso y prevenible por sucede den cualkier parti di mundo, nos tur ta na riesgo.”

Esfuersonan pa controla tabaco ta protege 6,1 bion hende segun rapport nobo di WHO

(WHO)—E Organizacion Mundial di Salud (WHO) a publica dialuna su rapport riba e Epidemia Global di Tabaco 2025 na e Conferencia Mundial riba Control di Tabaco na Dublin, advertiendo cu mester accion pa mantene y accelera progreso den control di tabaco mientras interferencia industrial ta desafía politica y esfuersonan di monitoria tabaco.

E rapport ta enfoca riba e seis medida MPOWER (den Ingles) cu ta reduci uso di tabaco, cual ta tuam bida di 7 miyon hende pa aña. Esakinan ta:

- Monitoria uso di tabaco y politica di prevencion;
- Protegiendo hende for di huma di tabaco cu legislacion pa aire liber di huma;
- Ofreciendo ayudo pa stop

- cu uso di tabaco;
- Advertencia tocante e peligro di tabaco cu label riba paquete y media;
- Aplica prohibicion riba aviso, promocion y sponsorship ditabaco; y
- Aumenta impuesto riba tabaco.

Desde 2007, 155 pais a implementa al menos un di e medidanan pa reduci uso di tabaco na nivel di practico mas miho. Awendia, mas di 6,1 bion hende, tres kwart di e poblacion mundial, ta protegi pa al menos un politica asina, compara cu apenas 1 bion na 2007.

Sinembargo, ta existi buraco. 40 pais ainda no tin medida MPOWER implementa y mas di 30 pais a permiti benta di sigaria sin advertencia obligatorio di salud.

“Binti aña desde e adopcion di e Convencion di Kader riba Control di Tabaco (FCTC), nos a mira varios logro, pero e industria di tabaco ta sigui evoluciona y pues nos tambe mester,” segun Dr. Tedros Adhanom Ghebreyesus, Director-General di WHO.

E rapport di 2025 ta revela cu e beneficio pa notable a bin for di advertencianan grafico di salud, cual ta un di e medidanan clave bao e FCTC, cu ta haci e dañonan di tabaco imposible pa ignora.

WHO ta adverti, sinembargo, cu aplicacion ta inconsistente, y paquete sin advertencia ta mal regula. E rapport nobo ta ser acompaña pa un portal di dato nobo cu ta rastrea progreso di pais pa pais entre 2007 pa 2025.



A pesar di nan efectividad, 110 pais no a lansa campananan anti-tabaco desde 2022. Sinembargo, 36% di e poblacion global awor ta biba den paisnan cu a lansa campananan di miho practica, cual ta un aumento di apenas 19% na 2022. WHO ta urgi paisnan pa inverti den campananan evalua.

Impuesto, servicionan di yudansa y prohibicion di aviso ta expandiendo, pero ainda mester mas mehoracion, incluyendo riba

- Impuesto: 134 pais a fracasa di haci sigaria mas caro. Desde 2022, apenas 3 pais a aumento impuesto riba nivel di miho practica.

- Cesacion: Apenas 33%

di hende globalmente tin acceso na servicionan di ayudo cu ta cubri.

- Prohibicion di aviso: Prohibicion ta existi den 68 pais, cubriendo 25% di e poblacion global.

WHO ta haciendo yamado pa accion urgente den areanan unda no tin suficiente momentum. “Gobiernonan mester actua pa cera e buraconan cu ta resta, fortalece aplicacion, y inverti den e hermentnan proba cu ta salba bida. WHO ta haci yamado riba dos pais pa accelera progreso riba MPOWER pa sigura cu ningun hende no keda atras den e lucha contra tabaco,” segun dr. Ruediger Krech, Director di Promocion di Salud.

Bonerianonan ta lanta contra violencia despues di morto di mucha homber di 15 aña

(NLTimes) – Boneiro tabatin tres tiroteo mas, di cua un tabatin un resultado fatal. E isla a lanta for di soño cu e noticia aki na comienso di e luna aki. Un rato despues, e noticia a sigui cu e victima tabatin apenas dies cinco aña di edad. Pa algun tempo caba, habitante ta preocupa pa e aumento di violencia cu arma di candela riba nan isla, envolviendo hobennan. Durante un marcha silencioso, nan ta laga nan bos ser tendi.



Na fin di aña pasa, e prome tiroteo fatal na Boneiro tabata un noticia grandi. Nunca prome niun hende no a ser mata pa violencia cu arma eyan. E tempo ey, tres tiroteo a tuma lugar riba e isla den un fin di siman, mientras cu Boneiro ta conoci como tranquil y sigur. Na comienso di e luna aki, tabatin hasta tres den un anochi y atrobe un cu un resultado fatal.

E tiroteo fatal a tuma lugar den e anochi di diasabra pa diadomingo, dia 7 y 8 di juni, dilanti di e club nocturno Rush. Varios tiro a los, alcansando un hoben den cabes. E victima a ser hiba prome pa hospital na Boneiro y despues a traslada pa Centro Medico Corsou pa mas tratamiento. Diadomingo atardi, e noticia a drenta cu el a fayece. A resulta di ta Clayshenou Domacassé di 15 aña, un mucha homber cu tabata conoci pa varios instancia di cuido hubenil, pero no tabata

e obhetivo pa e tiramento. E tabata parce di ta na e lugar robes na e momento robes. Den e simannan siguiente, varios persona a keda deteni relaciona cu e incidente.

Yamado di Gobernador Mas prome e luna aki, gezaghebber di Boneiro John Soliano a tene un discurso den cua el a expresa su preocupacionnan tocante e aumento di violencia y e sentido creciente di inseguridad riba Boneiro. Den dje, el a haci un yamada na e residentenan pa lanta para hunto contra violencia y e desenfoqueamento di normanan.

Un rato prome cu esey, conserjo Ehecutivo a bati alarma cerca Minister di Husticia y Seguridad pa medio di un carta den cua a expresa preocupacionnan serio tocante enforamento di ley na Boneiro. Ta papia di un 'situacion sumamente preocu-

pante' mirando e scarsidad structural di personal, e mal cooperacion entre servicionan y un desigualdad creciente den condicionnan di empleo.

Despues di e tiramento mortal, Soliano a contesta por escrito. "Mi curason ta pisa," el a skirbi. "Un bida jong a ser kita violentamente for di nos." Soliano a yama e violencia "un atake riba confianza, seguridad y convivencia riba nos isla," y a bisa cu esaki no ta e Boneiro cu nos conoce.

Medidanan tuma Soliano, den consulta cu hefe di fiscal publico y hefe di polis, tambe a designa varios area como areanan di riesgo di seguridad, pasobra medidanan anterior no tabatin suficiente efecto ainda pa reduci posesion y uso di armanan (di candela). Den e areanan designa, Ministerio Publico tin e autoridad pa haci listramentonan preventivo. Esaki ta nifica cu por busca tur hende aki, sin cu mester di sospecho. Esaki ta regarda (partinan di) barionan cu riesgo aumenta: parti di Playa; parti di Antriol Pabou; Antriol Pariba; Nikiboko; parti di Nort Saliña y parti di Tera Korá. E designacion ta valido for di 13 di juni 2025 te cu 30 di september 2025.

Subi caya Tambe gobernador a haci un yamada na comunidad pa tuma accion: "Ora cu tirotan ser tira den nos cayan, nos como sociedad mester bisa: te aki leu y no mas leu." Y comunidad Boneriano a tuma accion. Riba diahuebs, 19 di juni 2025, un marcha silencioso a keda organisa pa Marga van Lieshout, Michèle Knuf, Davidlee Winklaar y Meralney Bomba. Un grupo

himno nacional Boneriano, e enorme posesion blanco a marcha door di caya grandi di Kralendijk, pa despues cana canto di e boulevard pa Parke Isidel. Banda di famianan, parehanan y personanan envolvi, representantenan di gobierno local, e sindicatonan, biblioteca, un grupo di caminata y enseñansa tambe a cana hunto.

Mirando back riba e organizacion E organizacion ta contento cu e participacion enorme, asina iniciador Michèle Knuf



remarcabelmente grandi di habitante a lanta para y silenciosamente a marcha door di caya pa manda un señal fuerte.

Na comienso di e marcha silencioso, Davidlee Winklaar, un kickboxer conoci riba e isla, a dirigi su mes na esnan presente. Den su discurso cortico el a puntra su mes na bos halto: "Unda cos a bay robes na Boneiro? Unda nos a faya como comunidad? Dicon tanto violencia? Dicon nos no por soluciona nos problemanan na un manera respetuoso?" Winklaar ta spera riba un mihor futuro pa e isla. "No mas violencia, no mas dolor, no mas bida perdi." Despues di un momento impresionante den cua a toca e

ta bisa despues. "Organisa ta no ta problema, solamente e hendenan mester presenta – y nan a presenta!" E ta aprecia e sosten amplio, tambe di parti di polis y di gobierno local "Gobernador Soliano no kier a duna un discurso awor, pasobra esaki di berdad a bin di pueblo, pero e tabat'ey," e ta bisa.

Naci y lanta na Boneiro, el a mira su isla cambia. "E poblacion a crece tremendamente, tin hopi pobreza, tin mucho tiki cas. Mi no ta condona esey, pero no ta nada straño cu problemanan asina ta surgi." Door di organisa e marcha, e kier contribui na un Boneiro mas sigur. "Esaki ta realmente mi lugar, sali no ta un opcion."



CENTRALE BANK VAN ARUBA BEKENDMAKING

Ingevolge artikel 14b lid 2 van de Landsverordening toezicht verzekeringsbedrijf (AB 2000 no. 82) (Ltv) maakt de Centrale Bank van Aruba hierbij bekend dat zij – op grond van artikel 14a lid 2 van de Ltv – op 7 mei 2025 toestemming onder voorwaarden heeft verleend aan First Star Inc. om haar gekwalificeerde deelnemingen in Nagico Aruba N.V. en Nagico Life Insurance Aruba N.V. te vergroten van 81,2 procent naar 100 procent.

Oranjestad, 24 juni 2025

Banco Central di Aruba

Cumbre di NATO a resulta un “logro grandi”; Trump ta topa cu Schoof

(NLTimes) – Prome minister cuidador Dick Schoof a bisa cu e resultado di e cumbre di NATO e siman aki tabata un “logro grandi” despues cu e reunionnan principal a yega na su fin na Den Haag diaranson.

E lider politico Hulandes a duna su remarcanan despues cu e 32 miembronan di NATO a bay di acuerdo pa aumenta gasto di defensa di dos porciento di GDP pa cinco porciento, mientras cu e ta nombra Rusia como un menasa pa “seguridad Euro-Atlantico,” primintiendo sosten continuo na Ucrania, y reafirmando e importancia di para hunto ora cualkier miembro di NATO ser ataca.

Aumento di gasto a ser pusha pa hopi tempo door di Merca, incluyendo e administracion actual y anterior di presidente Donald Trump. E aliadonan di NATO a bay di acuerdo pa gasta un minimo di 3.5 porciento di GDP riba “rekisitonan di defensa central” y metanan di capacidad di NATO. Un otro 1.5 porciento di GDP mester ser gasta anualmente na varios otro proyecto, incluyendo seguridad cibernetico, proteccion di infraestructura, preparacion civil y innovacion.



Esaki tabata crucial pa move den e bon direccion, Schoof a bisa. “Awe NATO a tuma decisionnan historico cu lo fortalece e aliansa y nos defensa colectivo”, el a skirbi riba medionan social. El a elogia e relacion cu Merca, y su participacion na e cumbre. “Ban sigui traha hunto pa haci nos paisnan mas sigur, mas fuerte y mas prospero.”

E declaracion di NATO na final di e cumbre tabata solamente cinco paragraaf largo. Fuentenan a bisa Financial Times cu esaki tabata parti di e plan di secretario general di NATO, Mark Rutte, pa mantene e reunionnan cortico y cla cu metanan firme pa mantene e atencion di Trump durante e evento. E corant a señala cu e declaracion anterior despues di e cumbre ta-

bata 44 paragraaf pa comparacion, y un declaracion di 90 paragraaf a keda publica un aña prome. Rutte a ricibi critica pa su remarcanan mucho briyante na Trump, particularmente den e dianan prome cu e cumbre.

“Merca ta responsabel pa dos tercera parti di tur e gastonan di defensa di NATO”, Trump a bisa. “Desde cu mi a cuminsa pusha pa compromiso-

nan adicional na 2017, kere of no, nos aliadonan a aumenta gastonan cu 700 bion dollar, el a sigui bisa. Trump tambe a elogia Rutte, kende anteriormente a dirigi Hulanda, y tambe Schoof, Rey Willem-Alexander y Reina Máxima. “Un biaha mas, mi kier gradici tur hende na Hulanda. Hendenan increibel. E ta un lugar grandi.”

Trump a pasa gran parti di su disponibilidad den prensa diaranson defendiendo e atakenan Mericano riba Iran siman pasa. Tambe el a haci bofon di CNN y The New York Times pa a informa riba un evaluacion trempa di e Departamento di Defensa di Merca bisando cu e bombardeo por a solamente haci cu e desaroyo di armanan nuclear di e pais a atrasa cu algun luna.

Trump a haci esaki mien-

tras e tabata banda di Rutte, despues Schoof, y despues cu su Secretario di Defensa Pete Hegseth y Secretario di Asuntunan exterior Marco Rubio. El a afirma cu e reportahe di e medionan di noticia tabata un insulto directo na e pilotonan Mericano cu a bula atakenan di bombardeo riba Iran.

Geert Wilders, e lider di e partido politico ultra derechista PVV, a basha Trump cu elogio despues di e evento, pero pa diferente motibo. “Masha danki Sr. Presidente ... pa e reunion excelente cu nos a caba di tin y nos discusion tocante e necesidad pa leynan di inmigracion mas severo!” e lider di e partido politico mas grandi den Tweede Kamer a skirbi.

Wilders tambe a reuni cu prome minister di Hungria Viktor Orbán diamars.

Tres deteni na Suecia y Alemania pa tripel homicidio den ciudad di Noord-Brabant

(NLTimes) – Polis a detene tres sospechoso relaciona cu un asesinato tripel na Oosterhout na fin di maart. E sospechosonan ta Sueco y a ser deteni na Alemania y Suecia, polis a bisa diaranson.



E asenatonan a sucede alredero di 4:00p.m. riba 28 di maart. Tabatin varios tiroteo riba Loevesteinlaan na Oosterhout. Dos homber di 32 aña di edad di Oosterhout a muri poco despues di e tiroteonan. E di tres victima, un homber di 25 aña di edad, a sucumbi na su heridanan den hospital mas o menos un luna despues.

E tres sospechosonan a keda deteni durante oranan trempa di diaranson mainta. Trahando cu polis Sueco y Aleman, polis a detene un homber di 24 aña y un muher di 28 aña na Suecia, como tambe un homber di 28 aña

na Alemania.

Nan ta ser sospecha di a hunga un rol den e tripel homicidio. E sospechosonan ta den custodia restringi, loke ta nifica cu nan ta permiti tin contacto solamente cu nan abogado. No ta cla ainda ki dia nan lo keda extradita pa Hulanda.

Polis no a bisa nada tocante un posibel motibo pa e tiroteonan fatal. E famia di un di e victimanan ta kere cu nan ser ker a ser mata pa eror, cu e no tabata e persona pa ken e atake tabata.

MULTIPLICA BO PREMIO CU

MULTI-X

FP

x2

x3

x5

www.lottoaruba.com

f x i y t

Colombia: Recicladornan ta inunda plaza iconico na Bogota cu boter di plastic

(AP) — Decenas di reciclador Colombiano a inunda e Plaza Bolivar iconico di Bogota cu alrededor di 15 ton di producto reciclable riba diamars, pa protesta un reduccion den entrada y condicionnan mas dificil pa esnan cu ta colecta desperdicio. Nan ta colecta desperdicio for di hogar, fabrica y oficina y ta vende esakinan na plantanan local di reciclaje.



E manifestacion tabata organisa pa 14 asociacion di pikidor di desperdicio na Bogota, un ciudad unda aproximadamente 20mil pikidor di desperdicio ta traha oranan largo colectando articulo manera boter di plastic, metal y caha di carton. Alrededor di 100 reciclador a reuni y algun a pretende di landa entre e seronan di desperdicio.

“Nos kier pa fabricanan paga nos un prijs husto pa e materialnan cu nos ta colecta,” segun Nohra Padilla, presidente di Asociacion Nacional di Pikidornan di Desperdicio di Colombia. “Colombianonan

y nan gobierno mester realisa cu sin nos trabao, e dumpnan lo ta satura.”

Mayoria di reciclador na Colombia ta traha independientemente, lastrando garoshinan pisa y colectando articulo reciclable cu no ta ser colecta pa truck di sushi local. E trucknan, cu ta mancha pa contratista of gobiernonan municipal, ta enfoca riba colecta desperdicio organico of no-reciclable.

Entrada di e recicladornan aki ta depende en gran parti riba con hopi kilo di plastic, carton of metal nan por vende cada dia na bodega of asocia-

cionnan local, cu ta vende e material na plantanan di reciclaje.

Jorge Ospina, presidente di asociacion di pikidor di desperdicio ARAUS, a bisa cu durante ultimo dos luna e prijs cu su asociacion ta ricibi di plantanan di reciclaje pa cada kilogram di plastic a baha di como 75 cen di dollar Mericano, na 50 cen. El a bisa cu nan por afford pa paga na e pikidornan apenas 25 cen pa kilo di plastic cu nan trece na e bodega ARAUS na Bogota.

Ospina a bisa cu importacion di plastic fresco for di paisnan manera China por ta tras di e



caida skerpi den prijs. “Nos mester mas regulacion di gobierno,” el a bisa, advirtiendo cu si prijs sigui baha, e pikidornan por no ta motiva mas pa colecta productonan reciclable, y e dumpnan na Colombia lo “inunda.”

Constitucion Colombiano ta protege colectornan di desperdicio, cu hopi biaha ta bin di backgroundnan di menos recurso. E pikidornan di sushi aki ta ricibi prioridad riba contratistanan grandi ora ta trata di colecta productonan reciclable y den ciudadnan grandi, gobiernonan municipal ta obliga di paga un tarifa mensual na asociacionnan di

pikidornan di desperdicio, cu ta varia segun con hopi ton di desperdicio cada asociacion ta colecta.

Pero prijs pa desperdicio reciclable ta instabil, y pikidornan di desperdicio Colombiano tambe ta enfrenta cada bes mas competencia di migrantenan Venezolano cu ta haciendo e mesun tipo di trabao na ciudadnan manera Bogota y Medellin.

Recicladornan na Colombia ta gana usualmente menos cu e salario minimo nacional di \$350 pa luna.

Merca ta blokea transferencia di tres institucion financiero basa na Mexico, acusa di yuda cartel

(AP) — **Departamento di Tesoro Mericano a impone sancion ayera riba tres institucion financiero basa na Mexico, cu a bisa ta ser usa pa laba miyones di dollar pa cartelnan, den un movida cu oficialnan a bisa lo blokea cierto transferencia di placa entre e banconan sanciona y banconan Mericano.**

E ordennan emiti riba e banconan CIBanco y Intercam Banco, como tambe brokerage Vector Casa de Bolsa, ta parti di un empuhe andando pa autoridadnan Mericano y Mexicano bao presion di presidente Mericano, Donald Trump pa actua contra cartelnan Mexicano cu ta trafica fentanilo.

E banconan “colectivamente tabatin un rol vital y largo den laba miyones di dollar den nomber di cartelnan basa na Mexico y facilita pago pa procuramento di kimiconan percusor necesario pa produci fentanilo,” segun vice-Secretario di Tesoro, Michael Faulkender a bisa reportero-

nan riba diaranson.

Faulkender a bisa cu e medidanan ta bay “efectivamente preveni” e banconan di haci negoshi cu institucionnan financiero Mericano. E orden tambe ta sanciona 31 persona conecta cu e banconan.

E tres institucion financiero no a responde inmediatamente na solicitud pa comentario.

Sinembargo, no tabata inmediatamente cla con grandi e efectonan lo ta en realidad. Contestando reporteronan, oficialnan di Tesoro no a confirma ni duna detaye tocante transferencianan specifico entre banconan basa na Mexico y banconan Mericano, pero a bisa cu tabatin “punto di contacto” entre e institucionnan. Oficialnan tampoco a descarta e posibilidad cu sucursalan stranhero di e banconan pafo di Mexico lo por continua haci negoshi cu banconan Mericano.

Segun orden di Tesoro, CIBanco a yuda facilita la-

bamento di placa pa un cantidad di cartel, incluyendo Jalisco Nueva Generacion, Beltran Leyva y Golfo. Oficialnan a bisa cu e banco “a facilita procuramento” di kimiconan usa pa traha fentanilo for di China, door di procesa mas cu 2.1 miyon dollar den pago pa e materialnan.

A acusa Vector di facilita labamento di placa pa e cartelnan di Sinaloa y Golfo, incluyendo 1 miyon dollar den pago pa kimico pa fentanilo. E oficialnan di Tesoro tambe a bisa cu cartel di Sinaloa a usa Vector pa manda soborno na ex-Secretario di Seguridad Mexicano, Genaro Garcia Luna, kende a keda sentencia cu mas di 38 aña den prison pa un corte na New York na october pa e cargonan. Nan ta calcula cu e transaccionnan tabata surpas 40 miyon dollar.

Intercam a enfrenta cargonan similar, y a keda acusa di pasa transferencianan di 1.5 miyon dollar den pago pa kimiconan usa pa produci fentanilo for di China.

E ordennan tabata e accion

mas recien di administracion di Trump, cu a anuncia cu ta combatiendo cartelnan Mexicano y traficacion di fentanilo.

E aña aki, e administracion

tambe a declara hopi di e cartelnan aki como Organizacion Terorista Stranhero y a sanciona un cantidad di oficial Mexicano.



Trinidad y Tobago: Minister di Utilidadnan Publico ta acusa ex minister di malgasta \$1.3 miyon

(TrinidadExpress) - Minister di Utilidadnan Publico Barry Padarath a acusa ex minister di Utilidadnan Publico Colm Imbert di a malgasta 1.3 miyon dollar pa rediseña su oficina, incluyendo e instalacion di un stacion di trabou nobo, cu un stacion di koffee, stacion di te y pinturanan traha riba encargo.

Imbert a nenga e declaracionnan haci pa Padarath.

El a declara riba e plataforma social X: "Parlamentario di UNC Padarath a insinua falsamente cu mi a gasta 1.3 miyon dollar riba un camber di 30 pa 30 pa mi mes na e Ministerio di Utilidadnan Publico, loke ta un mentira flagrante. E berdad ta cu henter e di 6 piso di e ministerio a ser renoba, y e trabou riba e oficina di e minister a costa solamente \$0.16 miyon."

Imbert a bisa cu su refutacion tabata sosteni pa evidencia y hechonan documental.

Padarath a bisa cu e mester a firma riba gastonan cu Imbert a haci riba e prome dia di e trabou.

"E miembro a bisa nan cu e no gusta e oficina. E no gusta e uniform di e trahadonan di MTS...Pues ora e miembro bisa (na nos), 'No haci ningun gasto loco', e miembro pa Diego Martin Noord/Oost sa di kico e ta papia, pasobra e miembro mes a haci gasto loco manera un cabay cu a huy ora el a drenta Utilidadnan Publico un dia... ta bisa: 'No haci ningun gasto salbahe y loco'—pero el a compromete e Gobierno aki na \$1.3 miyon pa su frivolidad, su exceso, su arrogancia y su abuso," Padarath a bisa.

"Laga mi bisa coleganan pakico e tabata. E gastonan di



diseño pa un oficina di 30 pa 30 pa e minister—\$60 mil. E miembro tabata kier un stacion di trabou nobo cu a costa e pais \$40 mil. E miembro despues tabata kier pintura pa su mes, pintura pa su consehero tecnico," Padarath a agrega.

El a bisa cu e pintura pa e oficina di e minister a costa \$30 mil.

El a bisa cu Imbert tabata parse di tin e "mesun obsesion" pa pinturanan cu ex prome minister Dr. Keith Rowley, kende a gasta miyones pa adkiri e pinturanan di Cazabon.

El a bisa cu un stacion di kofie di carpinteria personalisa ta costa \$12 mil.

"Y si no tabata suficiente malo cu e pintura tabata \$30 mil, nan a paga \$35 mil pa instala e pintura. Esaki ta e herencia di e miembro pa Diego Martin Noord/Oost... El a drenta eyman manera un emperador sin paña, gabando: 'Mi ta e Minister di Utilidadnan Publico', y awor e pais mester paga un miyon

dollar y bo no a dura un dia. bo—0%, 4%, 1% Pero nan tabata biba grandi manera rey y

reina," el a bisa. "E miembro pa Arima tabata parti di esey. E miembro pa

Arouca/Lopinot tabata parti di esey. Pues ora bo kier puntra nos di unda e placa lo bini awe, (mi ta bisa) nos ta ser pidi pa paga pa bo obsesion, pa bo malgasto, pa bo corrupcion, bo mal maneho. Y esaki ta den preto y blanco," Padarath a declara.

"Mientras cu nan no tabatin placa pa drecha e scolnan, nan no tabatin placa pa trahadonan di WASA, nan no tabatin placa pa pone awa den cranchi di hende...nan a corta 18 mil carchi di cuminda...\$1.3 miyon a subi den laira bou di Diego Martin Noord/Oost," el a sigui bisa. Padarath a señala cu e trabou no a ser haci riba un facilidad di propiedad di gobierno, pero riba un propiedad di huur na One Alexandra Place, afilia cu e famia di Faris Al-Rawi.



TURN UP THE SUN

JUNE 27, 2025

Marisela Band 7:30pm
DJ Aguilar 5:30pm

ZIMA.ARUBA
Reservation number: 699-9317

JOIA BY IBEROSTAR
ZIMA

Fanaticonan di The Simpson den shock despues cu personahe legendario ta fayece den ultimo episodio di temporada



(DailyMail)—Fanaticonan di The Simpson a keda den shock despues cu un di e personahenan clave di e serie a fayece den e ultimo episodio di e temporada.

E temporada mas nobo di e serie iconico recien a yega na un fin e ultimo episodio, titula Es-tranger Things, tabatin un twist grandi. Durante e episodio, e destino di Bart y Lisa su mama Marge a ser revela.

E episodio ta conta tocante e relacion di e rumannan y con esaki a desaroya durante tempo, mientras Marge ta preocupa cu con cerca nan a

crece. Sinembargo, mientras e storia ta cana y ta move pa 35 aña den futuro, tevidentenan por tende Lisa ta papiando di su “difunto mama.” Por mira Homer sin su casa stima y hiba na cas di cuida ora Lisa ta entrega keho tocante su situacion di vivienda. E escena ta sugeri cu Marge a fayece prome cu el a yega su 70 añanan, aunke hopi otro personahenan bibando mas largo cune.

Durante e episodio, Lisa ta lesa un carta laga pa Marge cu ta pidi pa e rumannan keda cerca di otro. Lisa y Bart ta bini hunto pa busca nan tata y por mira Marge mirando nan for di shelo. No ta cla con y ki ora e ta fayece, pero e escenan ta sugeri cu ta den e futuro di e serie. Esaki ta bin mientras e strea cu lo duna bos na un personahe iconico den The Simpson, cual a ser revela como e actor original, a ser reemplasa despues di 35 aña den e rol.

Aña pasa, a anuncia cu actriz Pamela Hayden, 71, lo ta retirando for di e serio di Fox. El a hunga Milhouse van Houten—un di e Bart Simpson su amigonan conoci pa su inteligencia y un personahe cu tabata un parti clave di e serie desde 1989.

E tambe ta conoci pa ta enamora cu Lisa, Bart su ruman muher mas jong.

Awor a confirma cu Pamela lo ser reemplasa pa Kelly Macleod

ken ta e cantante principal di e banda di rock Private Life.

Strea di ‘Law & Order’ ta investiga accidente di auto di su mama den ‘My Mom Jayne’



(NPR)—Na comienso di e documental My Mom Jayne, productor y director Mariska Hargitay ta establece e hechonan basico, manera e conoce nan, tocante su mayornan, rumanan y infancia.

Hargitay tin apenas par memoria di su mama, Jayne Mansfield, e strea di pelicula cu a fayece den un accidente di auto na 1967, na edad di 34 aña, ora Hargitay, Mansfield su yiu mas jong, tabatin apenas tres aña di edad. Hargitay a ser lanta pa su tata, ken tambe tabata un celebridad den añanan 1950; e tabata Mickey Hargitay, un ex-Mister Universe..y e unico mayor cu Mariska a conoce. Un metodo cu Hargitay ta usa pa desenreda e secretonan di su famia ta pa investiga loke anteriormente el a evadi. E ta lesa biografianan di celebridad y articulonan den revista, y ta colecta lo mas hopi apariencia den pelicula y riba television, y entrevistanan graba, cu e por. Mansfield a crece na Texas, a toca piano clasico y violin, y por a papia varios lenguahe. El a casa na edad jong, y a persuadi su casa e tempo ey pa muda cune bay Los Angeles, pa persigui su soño di un carera den e industria di entretenimento. E no ta dura mucho, ni tampoco nan matrimonio. Pero Mansfield a persisti—aunke su planan pa ta un actriz serio a ser afecta pa e manera cu hende a responde na su apariencia, y specialmente na su figura. Na 1955, ora e tabatin apenas 22 aña di edad, Mansfield a bira un sensacion riba Broadway

como e co-strea di e comedia ‘Will Success Spoil Rock Hunter?’

Rolnan den pelicula a sigui rapidamente: prome como e strea sexy di e pelicula ‘The Girl Can’t Help It’, cual tambe tabatin apariencia di Little Richard y Fats Domino, despues den e version di pelicula di ‘Will Success Spoil Rock Hunter?’ Tambe den e pelicula ey tabata Groucho Marx, ken despues a invita Mansfield na su show riba television ‘Tell It to Groucho.’ Pa e tempo ey, e tabata purba di deshaci di su imagen como simbolo sexual—aunke su apoyantenan mas leal no por a resisti di dje. ‘My Mom Jayne’ ta conta tambe tocante Mickey Hargitay su pasado, y con e y Mansfield a conoce otro y a cay enamora. Pero despues di investiga grabacionnan publico di pelicularnan y entrevista, Mariska Hargitay a bay mas profundo ainda y a entrevista su rumannan, ken ta comparti memorianan detaya cune pa prome biaha—y ken ta contribuidornan valioso como ambos fuentenan y personahenan apoyante.

Hargitay tambe a examina e contenido vast di un deposito di famia cu a keda cera desde 1969. Y manera e detective determina cu e ta hunga riba Law & Order: Special Victims Unit desde 1999, Hargitay ta sigui e pistanan unda nan ta gui’e. E pistanan ey ta inclui caranan tapa riba potretnan di famia, y storianan tocante e accidente di auto fatal—den cual aparentemente, e yiunan a sobrevivi, incluyendo Mariska. Pa fin di e documental, e informacion cu el a descubri ta cambia tur loke Hargitay tabata sa di su mayornan, y na su turno, su mes.



The Birdie
CLUB HOUSE RESTAURANT

FRIDAYS
Happy Hour

5-7 PM 50% on Drinks & Tapas

Please call 586-7800 ext. 231 or 242
E-mail: tdsba1@iberostar.com
www.tierradelsol.com

Bezos ta yega Venecia mientras manifestantenan ta bisa cu su boda ta resalta desigualdad creciente

(AP) — Fundador multimillonario di Amazon, Jeff Bezos y Lauren Sanchez a yega Venecia ayera prome cu nan weekend di boda, un evento cu a galvanisa un variedad amplio di grupo activista protestando contra esaki.

Bezos a saluda for di un taxi di awa mientras e Sanchez a yega e waf di e Hotel Aman, un hotel di cinco strea riba e Grand Canal, cu dos boto di seguridad nan tras.

E evento a genera protesta di gruponan cu ta mir'e como un señal di e desigualdad creciendo entre esnan cu tin y esnan cu no tin, mientras residentenan ta keha cu e ta un ehempel di e manera con no ta tene cuenta cu nan necesidadnan den e era di turismo masivo na e ciudad historico di laguna.

Alrededor di un decena di organisacion Veneciano — incluyendo defensoran di vivienda, campañadornan contra crucero y gruponan universitario — a uni pa protesta e evento di varios dia bao di e banner “No tin Espacio pa Bezos”, un wegá di palabra cu tambe ta referi na e vuelo espacial recién di e novia.

Nan tambe a prepara protesta na escala chikito, desplegando borchinan anti-Bezos riba sitionan Veneciano iconico. Dialuna dos organisacion a join nan, Greenpeace y e grupo Britanico, “Everyone Hates Elon,” cu a destrui autonan Tesla pa protesta contra Elon Musk, pa desplega borchinan gigante na St. Mark's Square protestando alivio di impuesto pa biyonarianan.

Ayera, otro activistanan a lansa un flota riba e Grand Canal mustRANDO un manequin di Bezos brasando un caha di Amazon, cu su mannan yen di dollar. E compania di publicidad Britanico cu a anuncia e protesta a bisa cu no tabata protestando e boda, “sino rikesa sin control, control di media, y e privatisacion creciente di espacionan publico.”

No tabatin comentario di representantenan di Bezos tocante e protesta.

Activistanan local tabatin planea mas protesta organisa pa



diasabra, cu meta pa obstrui acceso na e canalnan cu boto pa preveni e invitadonan di yega na un sitio di e boda. Nan a modifica e protesta na un marcha for di e stacion di trein despues di declara victoria, bisando cu nan presion a forsa organisadornan pa cambia e sitio pa e Arsenale, un sitio mas facil pa sigura fuera di e centro congestionado di Venecia.

“E ta bay ta un protesta fuerte y decisivo, pero pacifico,” segun Federica Toninello, activista cu red Asamblea Vivienda Social. “Nos kier pa e ta manera un fiesta, cu musica, pa laga cla con nos kier pa nos Venecia mustra.”

Entre e 200 invitado confirma di atende e boda ta Mick Jagger, Ivanka Trump, Oprah Winfrey, Katy Perry y Leonardo DiCaprio.

Venecia, renombra pa su vista romantico di canal, ta anfitrión di centenares di boda cada aña, incluyendo esnan di e rico y famosonan. Bodanan anterior di celebridadnan, manera esun di George Clooney cu abogado di derechonan humano Amal Alamuddin na 2014, a ser celebra pa publico. Centenares a presenta pa duna bon deseo na e pareha na City Hall.

Bezos tin un perfil politico y comercial diferente, segun Tommaso Cacciari, un figura prominente den e movimento cu exitosamente a pusha pa prohibi crucero di mas di 25mil ton biahando door di e canal Giudecca den centro di

Venecia.

“Bezos no ta un actor di Hollywood,” Cacciari a bisa. “E ta un ultra-biyonario cu a sinta banda di Donald Trump durante e inauguracion, kende a contribui na su reeleccion y ta contribuyendo di manera directo y pisa na e obscurantismo global nobo aki.” Criticonan ta cita e practicanan laboral di Amazon, incluyendo disputa di impuesto

andando cu gobiernonan Europeo y e asociacionnan politico di Bezos como motibo pa preocupacion.

Activistanan tambe ta argumenta cu e boda Bezos ta un ehempel di fayonan mas amplio den gobernacion municipal, particularmente e dunamento di prioridad na turismo riba e necesidadnan di residentenan. Nan ta cita

medida manera e “day-tipper tax” — cu criticonan ta argumenta ta reenfora e imagen di Venecia como parke di diversion — como inefectivo. Principal entre nan preocupacion ta e falta di inversion den vivienda pagable y servicionan esencial.

Oficialnan di e ciudad a defende e boda. Alcalde Luigi Brugnaro a yama e evento un honor pa Venecia, y e ciudad a nenga cu e boda lo causa interrupcion. “Un biaha mas, Venecia ta revela su mes como un escenario global,” Brugnaro a bisa AP, agregando cu e ta spera di conoce Bezos mientras e ta na e ciudad.

Mientras tanto, asociacion di investigacion ambiental Veneciano, Corila, a duna un declaracion bisando cu Earth Fund di Bezos ta sosteniendo su trabao cu un “donacion importante.” Corila, cu ta uni academiconan di universidad y e conseho nacional di investigacion principal di Italia den investiga strategianan di proteccion di Venecia, no kier a bisa con hopi Bezos a duna, pero a bisa cu contacto a cuminsa na april, hopi prome cu e protestanan a cuminsa.

Elements
A VIEW TO DINE FOR

We are open and ready to welcome you!
The award-winning Elements Restaurant is revamped with elegant, eco-friendly designs, introducing new planet-friendly menus for both the restaurant and its renowned Sunday Brunch.

Experience exceptional dining with a fresh View to Dine For at Bucuti & Tara Beach Resort, Aruba's top-rated resort!

Adults-only | Cashless | Reservations Required | Groups of Max 6 Guests
www.elementsaruba.com | +297 583-1100 ext. 109

Carlos Sainz Sr. ta confirma cu e no lo postula pa dirigi organo di gobernacion di careda di auto

(AP) — Carlos Sainz Sr. a confirma cu e no ta bay postula pa presidencia di FIA — e organo di gobernacion pa serie di careda di auto manera Formula 1.

Sainz di 63 aña, tata di e piloto di F1, Carlos Sainz Jr., a anuncia diaranson cu su decision a bin despues di lunanan tratando di “compronde e situacion na FIA profundamente” y tambe e “exigencia y complejidad” di e trabao.

“Despues di un reflexion pensativo, mi a yega na e conclusion cu e circunstancianan actual no ta ideal pa pone e base pa mi candidatura”, e dobel campeon di World Rally a skirbi den un comunicado riba Instagram.

Presidente di FIA, Mohammed Ben Sulayem, actualmente no tin oposicion pa su candidatura pa reeleccion prome cu e votacion di december.

Ben Sulayem, eligi pa e puesto na 2021, a enfrente critica riba su maneho. Na april, Robert Reid a renuncia como presidente suplente di FIA pa deporte como protesta contra e manera con e organisacion ta ser mancha.

Ben Sulayem tambe tabatin desacuerdo cu pilotonan di F1 pa motibo di su represion contra lenguahe grosero.



Federacion di futbol Aleman a haya un multa pa invasion di impuesto

Relaciona cu pago sospechoso di Cup Mundial 2006 na FIFA

(AP) — Federacion di futbol Aleman a keda condena pa invasion di impuesto relaciona cu su oferta exitoso pa Cup Mundial 2006.

A bin un sorto di final

diaranson na un proceso di 10 aña impulsa pa acusacionnan cu Alemania a usa un fondo di slush pa cumpra voto di miembronan di e comision ehecutivo di FIFA pa ta sigur di ta anfitrión di e torneo.

Un corte regional na

Frankfurt a multa e federacion, conoci pa su sigla Aleman DFB, di 110.000 euro na final di un proceso di casi 16 luna na final di e proceso di investigacion.

Fiscalnan tabata pushando pa

un multa mas grandi despues di a acusa DFB di no a paga aproximadamente 2.7 miyon euro na impuesto relaciona cu su pago di 6.7 miyon euro na FIFA, e organo di gobernacion di futbol mundial, na april 2005.

E pago ey a regla un fianza cu e grandi di Alemania, Franz Beckenbauer, hefe di e comision organisador di Cup Mundial, a acepta tres aña prome di Robert Louis-Dreyfus, un ex ehecutivo di Adidas y despues propietario di e agencia di mercadeo Infront.

E placa a ser canalisa a traves di un bufete di abogado Suiso pa un compania Qatari cu ta pertenece na Mohammed Bin Hammam, e tempo ey miembro di e comision Ehecutivo di FIFA. Nunca a determina e proposito exacto di e placa.

Theo Zwanziger, kende tabata presidente di DFB e tempo ey, a bisa e revista Spiegel na 2015, “definitivamente tabatin un fondo di slush den e oferta pa Cup Mundial di Alemania.” El a acusa su sucesor, Wolfgang Niersbach, di a gaña tocante esey. Ambos tabata den e comision organisador di Mundial.

DFB a sconde e pago di e fianza como un contribucion pa un gala di apertura di Cup Mundial planea, cu despues a keda cancela, y a declara esaki falsamente como un gasto di negoshi un aña despues.

Zwanziger, Niersbach, y secretario general di DFB Horst R. Schmidt a ser acusa originalmente den e huicio. E procedimiento contra tur tres, cu consistentemente a nenga e acusacionnan di invasion di impuesto, a keda baha eventualmente na momento di pago di multa.



“E corte ta sigur sin duda cu DFB a evadi impuesto y cu esnan involvi a wanta esaki,” hues presidente Eva-Marie Distler a bisa diaranson den comentarionan informa pa e agencia di noticia dpa.

DFB a haya un multa di 130.000 euro, pero 20.000 euro a ser dispensa pa motibo di e “retrasonan di procedura” den e caso.

Distler tabata severo den su critica di DFB, bisando cu esaki a presenta un “imagen catastrofico” den su investigacion di e asunto y mester carga e gastonan pa e procedimiento.

“E holoshi ta tik diferente na DFB. E ta genera gastonan huridico astronomico. E hendenan responsabel ta externalisa responsabilidad. Niun hende no mester enfrente consecuncianan personal,” Distler a bisa. “Ningun representante di DFB no a participa ni den e investigacion ni den e huicio. Bo mester puntra, nan no ta tumando e sistema di husticia na serio?”

DFB por apela e decision.

“DFB lo haci un evaluacion final di e siguiente pasonan despues di ricibi y evalua e motibonan por escrito pa e sentencia,” el a bisa den un declaracion.

M A R E A

Mornings at Marea

8AM TO 11AM

JOIA
BY IBEROSTAR

sliced avocado

two poached eggs

Sourdough toast

RESERVATION NUMBER: 699-9317

@marea.aruba

Fanatico suspendi despues di pone Ketel Marte di Diamondbacks yora cu comentarionan tocante mama defunto

(AP) — Un fanatico di 22 años cu a haci bofon di e di dos base di Arizona Diamondbacks, Ketel Marte, durante un wega contra Chicago White Sox na Rate Field diamars anochi, a keda suspendi for di e tereno di South Side pa un tempo indefini.

Marte a ser mira na yoramento riba tereno despues cu e espectador a grita un comentario denigrante tocante Marte su mama defunto du-

rante di shete inning den e victoria di Arizona di 4-1 riba Chicago.

Di acuerdo cu un vocero di White Sox, e personal di seguridad na e tereno di bala a relata cu e fanatico tabata “hopi sorry y arepentí despues di e hecho, y a admiti di ta hopi inapropia y bobo cu su comentarionan.”

Manager di Arizona, Torey Lovullo y e coach di banki Jeff Banister a pidi pa e fa-



natico ser saca for di e wega. Prome cu e final di e serie di diaranson, Lovullo a bisa cu e “tabatin un tiki interaccion cu e fanatico” mientras e tabata grita Marte.

“E no tabata compronde y tabata hopi pomposo, y e no a sinta bon cu mi,” Lovullo a bisa. “E tabata djis un comentario bruto cu bo no lo a bisa tocante niun hende, pa no papia mes di un hende cu a perde su mama.

“Nos mester di mihor fanatico di baseball. Baseball merece mihor.”

Marte su mama, Elpidia Valdez, a fayece den un accidente di auto na Republica Dominicana na 2017. Marte, kende a dal un homerun solo den e prome inning diamars anochi, a ser mira visiblemente molestia durante un cambio di pitcher ora Lovullo a pone su brasa rond di su hungado a consol’e.

“Mi a djis reacciona manera un tata lo haci ora mi a sali pa cambia pitcher,” Lovullo a bisa, segun Arizona Republic. “Mi por a mira cu e tabata yora. E tabata haci dolor.”

“(Mi a bis’e): ‘Mi ta stima bo y mi ta cu bo, y nos tur ta hunto y bo no ta bo so. No ta importa kico pasa, no ta importa kico a ser bisa of kico bo a tende, e tipo ey ta un idiota. E no mester tin un impacto riba bo.’”

Marte a nenga di duna comentario riba e incidente pa medio di un oficial di e ekipo. Shortstop di Diamondbacks, Geraldo Perdomo a bisa cu e fanatico “mester ser prohibi, sigur” y a pidi pa Major League Baseball interveni.

“Esey no por sosode,” Perdomo a bisa. “Nos no por sigui haci esey ... aki den MLB.”

Neymar ta prolonga contrato cu Santos te fin di 2025



(AP) — Neymar a prolonga su contract cu e club Brasileño Santos te fin di december.

E delantero di 33 años a regresa na su club di infancia na fin di januari pero a keda limita pa lesionnan. Su acuerdo actual tabata cla pa caduca otro siman. Neymar y Santos a confirma e extension diamars.

“Mi a prolonga mi contract cu Santos. Mi a bay, mi a bolbe y mi ta keda unda tur cos a cuminsa y unda nunca lo caba”, Neymar a bisa den un video riba su canalnan di red social.

Ningun di e dos banda a spli-ca dicon e no a prolonga su contrato te mita di 2026, ora cu hopi Brasileño ainda ta spera cu e hunga den e Cup Mundial. Mas tempran na juni, e tecnico nobo di Brasil, Carlo Ancelotti, a insinua cu ta conta cu e recuperacion di Neymar pa hunga den e torneo na Merca, Mexico y Canada.

Desde cu el a bandona Al-Hilal di Arabia Saudita pa Santos, Neymar a hunga 12 wega, a score tres gol y a brinda tres asistencia. E tabatin dos periodo di ausencia

largo pa motibo di lesionnan muscular.

Neymar a hunga 225 partido pa Santos den su prome periodo. El a score 138 gol, hopi di nan clave pa gana seis titulo na e gigante Brasileño, cu a degrada na 2023 y a regresa na e division mas halto años pasa.

Su ultimo aparicion pa e ekipo tabata un frustrante; el a ser expulsa den e di 76 minut di e derota di Santos 1-0 contra Botafogo na cas dia 1 di juni despues di a usa su man pa score.

Realizando cu e no tabata bay yega na e bala cu su cabes prome cu un defensa por a kita esaki, Neymar a usa su man drechi pa pusha e bala den e net.

E delantero di Brasil ya tabatin un carchi geel y a ser musta su di dos pa e referee, kende despues a cancela e gol. Botafogo despues a anota e ganador den di 86.

E club Saudi, Al-Hilal a termina e contrato di Neymar cu consentimiento mutuo, seis luna prome, despues cu el a hunga solamente shete partido. Un lesion di ACL a pon’e un banda pa un año te cu october. Al-Hilal a bisa cu Neymar no por perform mas manera antes.

Neymar tambe a laga Barcelona y Paris Saint-Germain pa critica, a pesar di a entrega plata y gol.

Santos ta den e di 15 posicion den e liga Brasileño cu 11 punto despues di 12 partido.

EXECUTORIALE VERKOOP (AUCTION)

Executieveiling in opdracht van de hypotheekverstrekker; openbare verkoop krachtens artikel 3:268 van het Burgerlijk Wetboek van Aruba van de volgende onroerende zaken:

SERO PATRISHI 172

een perceel eigendomsgrond, ongeveer 160 m2, gelegen te Sero Patrishi, kadastraal bekend als Eerste Afdeling Sectie P nummer 2976 Deelperceel 6375.

Inzetprijs: Afl. 135.000;

Onderhandse biedingen mogelijk.

De openbare verkoop vindt plaats eerst bij opbod en vervolgens bij afmijning op

18 juli 2025, om 10:00 uur

ten overstaan van notaris mr. **C.M.A. Helmeyer**, notaris in Aruba, in de veilingzaal van Surfside Marina (Dolphin Room) aan de L.G. Smith Boulevard 7 in Aruba.

Let op:

In het geval onderhandse bieding (nog) mogelijk is, kunnen potentiële kopers hun bieding(en) uitbrengen door het invullen van een door notariskantoor Helmeyer opgesteld biedformulier, met overlegging van een bankgarantie en geldig identiteitsbewijs.

De bieding dient uiterlijk 14 dagen vóór datum van openbare veiling, schriftelijk en onvoorwaardelijk te worden ingeleverd op het kantoor van Notaris Helmeyer.

De veilingvoorwaarden zullen uiterlijk 8 dagen voor de verkoopdatum beschikbaar zijn op het kantoor van Notaris Helmeyer.

Notariskantoor Helmeyer

Elleboogstraat 11-13

Tel: 280-2020 / WhatsApp: 699-2820

veiling@notarishelmeyer.com / auction@notarishelmeyer.com

www.notarishelmeyer.com

Accidente entre 2 truck pa falta di preferencia banda di Mundo Nobo na Santa Cruz

Diamars atardi a drenta informe di un accidente banda di Mundo Nobo na Santa Cruz, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un truck a bira dilanti e otro y nan a dal otro. Afortunadamente ningun hende a resulta herida y e daño ta minimo.



Candela di mondi banda di caminda na Macuarima




Diamars atardi a drenta informe di cu tin un candela di mondi banda di caminda na Macuarima, mesora a dirigi unidad di bombero na e sitio.

Na yegada di e bomberonan mesora a cuminsa cu un combate y a logra paga esaki mesora.



Chauffeur a perde control riba E.J. "Watty" Vos Blvd. y a dal 2 biaha na e muraya



Chauffeur coriendo cu velocidad halto a perde control riba E.J."Watty" Vos Blvd. banda di Hato

pa Ponton, mesora a dirigi un patruya na e sitio.

Na yegada di e patruya a bin

compronde cu aki ta trata di un accidente unda cu un chauffeur di un auto deportivo a perde control hera

dal riba 3 auto y bay dal riba e muraya banda drechi despues hala bay pa banda robes y dal e muraya di separacion di ca-

mindanan.

Afortunadamente ningun hende a resulta herida.

Sushi tabata na candela na Barcadera

Diamars atardi a drenta informe di cu tin un candela na Barcadera banda di D.T.I., mesora a dirigi bomberonan na e sitio.

Na yegada di e unidad a nota cu no tin peligro di expansion y tabata den caba y a bay laga esaki para y sigui pa otronan cu mas prioridad.



Musk su 'robotaxi' ta ricibi critica regulatorio despues cu video ta muestra un ta stuur den via contrario

(AP) - Reguladornan di seguridad di trafico federal ta investigando problema nan sospecha cu Elon Musk su test di 'robotaxi' autonomo na Texas, despues cu videonan a muestra nan ta break repentinamente of ta pasa crusadanan sin para y di stuur den e via incorrecto riba caya.

National Highway Traffic Safety Administration a bisa diamars cu el a pidi Tesla pa informacion tocante e supuesto erornan. Aunke varios otro video ta muestra robotaxi ta stuur perfectamente, si reguladornan mira algun problema grandi, esaki lo causa pregunta tocante Musk su varios declaracion cu e robotaxinan ta safe y su declaracion cu Tesla lo domina un futuro den cual casi tur vehiculo riba caya no tin un hende tras di stuur - of te hasta mester di un stuurwiel.

"NHTSA ta altanto di e incidentenan referencia y ta den contacto cu e fabricante pa reuni informacion adicional," e agencia a bisa den un declaracion. Pasaheronan den e robotaxi di Austin, Texas, en general ta impresiona. E inversionistanan a bira mas cauteloso diamars despues cu noticia di NHTSA su investigacion.

Tesla no a responde inmediatamente na un peticion pa comentario.

Un analista financiero di Tesla cu a haci uso di robotaxi dia-domingo ora cu e testnan a cuminsa, a bisa cu su biahe tabata perfecto y asugeru cu e videonan riba X y YouTube mustrand e erornan no ta algo grave. "Cualkier problema cu nan mira, nan lo drecha," Wedbush Securities su Dan Ives a bisa, yamando e test un "exito grandi" den e ultimo 3 dia a pesar di "esnan cu ta duda."

Un di esnan cu a duda, un experto di Telemtry den tecnologia di auto, a bisa cu e videonan tabata suficientemente alarmante pa e testnan keda para actualmente. "E sistema semper tabata haci cosnan repentino, trahando bon mayoria di biaha pero frecuentemente cometiendo erornan aleatorio y inconsistente pero peligroso," Sam Abuelsamid a bisa den un



texto, refiriendo na Tesla su software pa mancha autonomo. "Esaki no ta un sistema cu mester carga mas miembro di publico of pasa door di testnan riba cayan publico sin cu tin chauffeurnan di test cu training tras di stuurwiel."

Den un video, por mira e Tesla ta bay den un via cu un flecha grandi ta indica cu esaki ta pa bira links pero e Tesla a sigui bay straight, drentando un via contrario otro banda. E auto a realiza cu el a comete un eror y a cuminsa move varios biaha, cu e stuurwiel moviendo tambe te ora cu eventualmente el a relaha.

Sinembargo e Tesla ta keda den e via contrario pa 10 seconde. Na e momento ey, no tabatin trafico biniendo. E pasahero den e video, manager Rob Maurer, no a pensa hopi di e incidente. "No tabatin vehiculo den bista, pues e no tabata un problema pa mi seguridad," MAurer a bisa den un comentario cu e video. "Mi no a sinti inconfortable den e situacion."

Otro video ta muestra un Tesla ta stop dos biaha repentinamente memey di caminda, posiblemente respondiendo na e luznan di auto di polis. Sinembargo polis obviamente no tabata interesa den e Tesla ni tampoco e trafico dilanti of tras di e Tesla, pa motibo cu nan tabata para den area cu no tabata cerca di e Tesla, cual ta indica cu esaki a repsonde na algo cu no ta relaciona na dje. Reguladornan federal a cuminsa un investigacion aña pasa tocante con Tesla cu loke Musk ta yama Full Self-Driving a responde na condicionnan di visibilidad abao despues di varios accidente, incluyendo uno cu tabata fa-

tal. Tesla a keda obliga di pidi back 2.4 miyon di su vehiculonan na e tempo aki.

Musk a bisa cu e Teslanan usando Full Self-Driving ta mas safe cu chauffeurnan humano y su robotaxi ta usando un version nobo y mehora



di e sistema, cual lo ta asina exitoso cu e lo por desplega centenares y miles di nan pa fin di proximo aña.

Te hasta si e test na Austin bay bon, e biyonario ta enfrenta desafionan grandi, Otro companianan cu ta stuur nan

mes a lansa taxi, incluyendo Amazon su Zoox y lider di mercado actual Waymo, cual no solamente ta busca pasahero na Austin pero tambe varios otro ciudad. E compania recientemente a anuncia cu el a yega su di 10 miyon biahe paga.

EXECUTORIALE VERKOOP (AUCTION)

Executieveiling in opdracht van de hypotheekverstrekker; openbare verkoop krachtens artikel 3:268 van het Burgerlijk Wetboek van Aruba van de volgende onroerende zaken:

Villa Alto de Shaba- Apartamento #4

het appartementsrecht 1-L-5639-A, appartementsindex 4,
plaatselijk bekend als Villa Alto de Shaba gelegen te Shaba in Aruba

Inzetprijs: Afl. 270.000;

Onderhandse biedingen mogelijk.

De openbare verkoop vindt plaats eerst bij opbod en vervolgens bij afmijning op
18 juli 2025, om 10:00 uur

ten overstaan van notaris mr. **C.M.A. Helmeyer**, notaris in Aruba,
in de veilingzaal van Surfside Marina (Dolphin Room) aan de
L.G. Smith Boulevard 7 in Aruba.

Let op:

In het geval onderhandse bieding (nog) mogelijk is, kunnen potentiële kopers hun bieding(en) uitbrengen door het invullen van een door notariskantoor Helmeyer opgesteld biedformulier, met overlegging van een bankgarantie en geldig identiteitsbewijs.

De bieding dient uiterlijk 14 dagen vóór datum van openbare veiling, schriftelijk en onvoorwaardelijk te worden ingeleverd op het kantoor van Notaris Helmeyer.

De veilingvoorwaarden zullen uiterlijk 8 dagen voor de verkoopdatum beschikbaar zijn op het kantoor van Notaris Helmeyer.

Notariskantoor Helmeyer

Elleboogstraat 11-13

Tel: 280-2020 / WhatsApp: 699-2820

veiling@notarishelmeyer.com / auction@notarishelmeyer.com

www.notarishelmeyer.com

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Parlamentario Dangui Oduber:

Minister Wever ta desconecta cu e realidad

Tur prijs na Aruba subiendo y minister Wever den negacion

Nos por corda cu duran-
te henter campaña lider
di Partido Futuro actual
minister Gerlien Croes
como tambe minister
Wever a bisa cu Aruba ta
hopi caro. Nan a priminti
cu nan lo mehora e poder
di compra y baha e costo
di bida. Nan a priminti
cu nan lo reduci e prijs di
gasoline, nan lo mehora e
poder di compra, nan lo
elimina aircogeld di scol
pa mayornan den nan
prome 90 dianan di gober-
nacion.

Esaki ta loke pueblo a wordo
priminti, esaki ta e expecta-
tiva cu NAN a crea. Awe e
realidad ta diferente, y aunke
nos tawata sa cu nan NO lo
cumpli, nan NO a cumpli cu
nan promesanan.



Awe, despues di eleccion di 6
december 2024 Aruba ta mas

caro cu nunca. Tur prijs di tur
producto ta subiendo tur dia,

Minister Wever a bisa na vari-
os ocasion cu frigidairenan na
Aruba ta bashi y nan lo per-
cura pa yena esakinan. Awe
no solamente frigidairenan ta
bashi pero hende tin miedo
di cushina. Minister Wever
a claba pueblo un aumento
di gas di 60 florin pa 80 flo-
rin, un aumento di 33.3%. Ta
increibel cu te awe e no kier
duna cuenta, e no kier bin
parlamento y no kier corigi e
decision aki cu ta perhudica
miles di hende cu ta bende
cuminda na Aruba pa sobre-
vivi. E ta subi prijs di gas pa
pueblo pa yuda un compania
cu a gana 13 milyon florin.

Prijs di lechi a subi cu mas di
10% siendo lechi ta den ca-

nasta basico. Unda minister
Wever ta pa controla produc-
tonan den canasta basico?

Prijs di coffee a subi cu mas
di 10% y minister di inflacion
man crusa?

Prijs di 1 kilo di galiña a subi
cu di 5.75 pa 8 florin, un au-
mento di 40%.

Prijs di gasolin a subi algun
dia pasa siendo a wordo pri-
minti cu den e promer 90 di-
anan e ta baha.

Minister Wever tawata den
parlamento y enbes cu e ta
keda consistente y reconoce
cu Aruba keto bay ta caro y
mester un plan holistico, in-
tegral con pa atende cu e pri-
jsnan cu ta subiendo explosi-
vamente, e la bisa den parla-
mento cu 99% di e prijsnan
na Aruba NO a subi!!!

Aki bo ta mira claramente cu

minister Wever ta totalmente
desconecta di e realidad y e ta
“in denial”. E no kier admiti
cu e no tin vision, e no tin
plan y e no kier admiti cu pri-
jsnan na Aruba ta skyrocket y
Aruba ta mas caro cu nunca.

Nos a bolbe puntra minister
Wever ki dia su plan di accion
ta cla y nos a haya e mesun
contestata, cu e ta trahando
keto bay riba e plan. Ironico
ta cu den campaña tawata tin
un plan cla pa ehecuta den e
promer 90 dianan di gober-
nacion y awor cu nan ta den
gobierno ta trahando riba e
plan.

Aki bo ta mira con e junior
partner di coalicion Partido
Futuro ta un decepcion y ta
hiba e mesun politica di ga-
ñamento di partido AVP!

Skirbi pa Shurman Milliard

Wat het betekent om vader te zijn

**Vader zijn is een veelzi-
jdige rol die veel verder
reikt dan de biologische
bijdrage. Het omvat een
complexe mix van verant-
woordelijkheden, emotio-
nele connecties en invlo-
edrijke acties die het leven
van een kind aanzien-
lijk vormen. Hier is een
uitsplitsing van wat het
betekent om vader te zijn:**

Kostwinner en beschermer.
Behoeften vervullen: Histo-
risch gezien, en nog steeds
fundamenteel, wordt een va-
der gezien als een leverancier
van fysieke benodigdheden
– voedsel, onderdak en
veiligheid. Dit omvat ook het
voorzien in emotionele be-
hoeften, het creëren van een
veilige en stabiele omgeving
waarin kinderen zich veilig
en geliefd voelen. Begelei-
ding en grenzen: Vaders
spelen een cruciale rol bij het
stellen van regels en grenzen,
het handhaven van discipline
en het leren van kinderen
over verantwoordelijkheid
en aansprakelijkheid. Deze
structuur helpt kinderen zelf-
beheersing te ontwikkelen en
verwachtingen te begrijpen.

2. Emotionele steun en

verbinding

Onvoorwaardelijke liefde:
Een kernaspect van het va-
derschap is het bieden van
onvoorwaardelijke liefde en
acceptatie. Dit betekent dat
je van kinderen houdt om
wie ze zijn, niet alleen om
wat ze bereiken, en dat je een
constante bron van genegen-
heid en geruststelling biedt.
Emotionele beschikbaarheid:
Emotioneel aanwezig zijn
betekent actief naar kinderen
luisteren, hun gevoelens vali-
deren en er zijn om hen te
troosten tijdens uitdagingen.
Het omvat open communica-
tie en de bereidheid om hun
perspectieven te begrijpen.
Zelfvertrouwen opbouwen:
Vaders dragen aanzienlijk bij
aan het zelfvertrouwen van
een kind door bevestigende
woorden, aanmoediging en
steun. Een ondersteunende
vaderfiguur helpt kinderen
zich gewaardeerd en capabel
te voelen.

3. Rolmodel en opvoeder

Het goede voorbeeld geven:
Vaders dienen als cruciale
rolmodellen, die waarden
als eerlijkheid, integriteit, re-
spect en vriendelijkheid door
hun daden demonstreren.
Kinderen imiteren vaak het

gedrag dat ze bij hun vad-
ers waarnemen. Levensvaar-
digheden aanleren: Vaders
leren kinderen waardevolle
levenslessen, probleemoplos-
sende vaardigheden en hoe ze
moeten omgaan met sociale
interacties. Dit kan variëren
van praktische vaardigheden
tot het tonen van empathie
en conflictoplossing. Nieuw-
sgierigheid en leren bevorderen:
Betrokken vaders nemen
deel aan stimulerende
activiteiten met hun kin-
deren, moedigen exploratie,
kritisch denken en een liefde
voor leren aan.

4. Betrokkenheid en aan-
wezigheid

Actieve deelname: Het is
niet voldoende om alleen
fysiek aanwezig te zijn; vad-
ers moeten actief betrokken
zijn en persoonlijk deelne-
men aan het leven van hun
kinderen. Dit omvat deel-
name aan hun interesses, het
bijwonen van evenementen
en quality time samen door-
brengen.

Consistentie: Betrouwbaar
en consistent zijn in hun
aanwezigheid en acties bou-
wt vertrouwen op en geeft
kinderen een gevoel van



veiligheid en voorspelbaarhe-
id. De moeder/mede-ouder
ondersteunen: Een goede va-
der respecteert en waardeert
de moeder of mede-ouder
van het kind. Een gezonde
ouderlijke relatie vormt een
sterke basis voor het welzijn
van het kind.

5. Persoonlijke groei en opof-
fering

Anderen op de eerste plaats
zetten: Vaderschap omvat
vaak het opofferen van per-
soonlijk comfort en verlan-
gens voor het welzijn van het
gezin. Continu leren: Vader
zijn is een voortdurende reis
van leren en aanpassen. Het

betekent openstaan voor
feedback, fouten toegeven en
ernaar streven elke dag een
betere ouder te zijn.

In wezen gaat vader zijn over
meer dan alleen een titel; het
is een diepgaande toewijding
aan het koesteren, begeleiden
en liefhebben van kinderen,
zodat ze kunnen opgroeien
tot evenwichtige, zelfver-
zekerde en capabele indivi-
duen. Het is een rol die im-
mense vreugde, uitdagingen
en de mogelijkheid biedt om
een blijvende, positieve im-
pact te hebben.

Manifestacionnan ta surgi atrobe na Kenia tocante brutalidad policial y mal gobernacion

(AP)—Protestanan contra brutalidad policial y mal gobernacion a surgi na Kenia atrobe diaranson, unda miles ta canando bay e distrito di empresa central den e capital Nairobi.

E manifestacionnan, cual a coincide cu e prome aniversario di manifestacionnan oponiendo aumento di impuesto y a laga 60 persona morto y 20 otro desaparecido, a sigui despues di e rallynan siman pasa exigiendo contesta pa e morto inespera di un blogger Keniano mientras e tabata den custodia policial.

Frustracion ta creciendo



specialmente entre Generacion Z, tocante violencia policial, lucha economico y mal manejo di gobierno. E Autoridad di Comunicacion di Kenia a dirigi media local di stop tur emision en bibo di e manifestacion mientras presidente William Ruto a adverti cu no lo tolera violencia. Hopi a bay riba red social pa comparti actualisacion y recorda manifestantenan asesina. Otronan a publica mensahenan y memes anti-



gobierno. Riba caya, por a mira algun ofreciendo manifestantenan awa. despues cu a apunta un gabinete nobo pero hopi critica. Un impuesto riba cuidio medico tambe a cambia e primanan standard pa un impuesto progresivo, basa riba salario.

Esaki ta pakico inkietud ta plagando Kenia:

Brutalidad policial Yamado pa responsabilidad a crece den Kenia despues cu manifestante a ser asesina durante e manifestacionnan di siman pasa. Un corte na Kenia a duna detectivenan 15 dia pa completa investigacion den dos polis sospechoso di e tiro.

Esaki ta bin mientras hobennan a subi riba red social durante e siman cu conmemoracion di manifestantenan asesina aña pasa. E tempo ey, Ruto a pidi dispensa y a priminti pa caba cu brutalidad policial mientras e hefe policial a retira.

“Ningun agente a tuma responsabilidad,” segun Hussein Khaled, un activista di derecho humano, agregando cu hende a subi caya “pa exigi husticia den compensacion...detencion di e agentenan involvi... reformanan di polis pasobra demasiado Keniano ta perdiendo nan bida” na brutalidad policial.

Frustracion economico E protestanan mortal di aña pasa ta opone fuertemente un legislacion di finanzas cu a aumenta impuesto pa atende cu e debe, poniendo un presion inhusto riba hende hoben y educa bringando cu desempleo y un aumento den costo di bida. Ruto a anula e legislacion despues.

Algun propuesta di impuesto a ser reintroduci mas despues, treciendo critico y yamadonan pa Ruto retira,

Dato di UN ta muestra cu 70% di e region sub-Sahara na Africa ta bao edad di 30 aña, cu 67% di hobennan Keniano desemplea. “Ambos e sectornan di salud y educacion, cual ta afecta hobennan hopi, ta aparentemente hundiendo debi na politicanan mal guia y fracaso pa provee recursonan necesario. Na mesun momento, ta parece cu tin fondo sin limite pa luho ‘aristocratico’”, segun Macharia Munene, profesor di Historia y Relacion Internacional na United States International University Africa na Nairobi, refiriendo na algun oficial cual nan gastamento di placa a ser condena.

Mal gobernacion Ruto a ser acusa di mal apropia placa di pueblo riba biahenan luhoso, mas notable e uso di un jet priva pa su biahe pa Merca net prome cu a manifestacionnan di aña pasa. El a pidi dispensa y e despedi di ministernan acusa di incompetencia, corrupcion y muestra di opulencia en medio di kehonan tocante e costo halto di bida.

Mientras tanto, oposicion di Kenia a ricibi su pida di critica, unda hopi ta bisando cu e no a desafia e status quo despues cu algun di su miembronan a ser apunta pa e gabinete nobo di Ruto. “Awor ta suficiente... nos ta aki pa cambio, ta tempo pa nos haya nos pais back,” manifestante Sevelina Mwhiki a bisa. “E sanger cu nos a drama ta suficiente.”

Resultado Sorteo Juni 25			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
9914	7948	2339	2614
5877	5034	SUPER5	9682
6995	4885	-	0104

MERDIA	ANOCHI		
 Sorteo # 4661 8351 8571 8017  FP  Sorteo # 4661 5661  FP  Sorteo # 2717 4687  Sorteo # 4661 3333 Piscis  Sorteo # 1535 372  FP	 Sorteo # 8579 9500 5694 4487  FP  Sorteo # 7623 7760  FP  Sorteo # 2328 1205  Sorteo # 6382 0453 Acuario  Sorteo # 1312 203  X2	 Sorteo # 2604 0 x Jackpot 1 x Match 4+ 12 x Match 4 248 x Afl. 12,00	05-22-23-27-28 Joker 30 Letter G Proximo Jackpot 180.000,-
		 Sorteo # 6867 0 x Jackpot 6 x Match 4 108 x Afl. 8,00	01-16-18-29-30 Proximo Jackpot 52.000,-
		 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 675.000,-
		Afl. 1.000.000,-	
		 Sorteo # 	



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Central: **Seroe Preto:**
Tel. 585 1965 Tel. 584 4833
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

Merca: Legislatura na Oregon ta revoca mapa controversial di peligro di incendio forestal

(AP)—Legisladornan na Oregon a vota pa revoca e mapa controversial di e estado tocante peligro di incendio forestal, cual a somete varios propietario den cierto area den peligro di incendio forestal na codigo y rekisitonan mas streng riba construccion pa asina reduci vegetacion riba nan tereno.

E medida a pasa den e House estatal cu apenas un voto en contra diamars, despues di pasa door di e Senado estatal unanimamente den april. Republicanonan a haci yamado pa e revocacion di e mapa durante e sesion legislativo y a acusa Democratanan di retrasa esaki. Awor e legislacion ta bayendo pa gobernador Democratico Tina Kotek.

“A pesar di un proceso politico increiblemente frustrante, nos ta aprecia e miembronan cu a scoge pa haci lo corecto den revoca e mapanan aki,” segun lider di minoridad Republicano den e House Christine Drazan.

El a agrega den su declaracion cu e mapanan a crea “caos” den areanan rural.

Un version actualisa di e mapanan cu a ser publica na comienso di aña a crea reglanan nobo pa esnan bibando den e areanan vulnerable pa candela cu tambe ta riba frontera di areanan di naturalesa manera bosquen. E provisionnan di construccion y yamado espacionan defensible a impacta 6% di e terenonan di impuesto, cual ta un reduccion for di un version anterior cu a ser desaroya na 2022 pero anula despues cu propietarioonan a trece nan preocupacion dilanti cu esaki lo aumenta primanan di seguro.

E codigonan di construccion a ser estableci pa rekeri construccion nobo den areanan peligroso pa tin caracteristicanan pa wanta candela, y pa aplica pa casnan existente si a haci algun actualisacion na e cas.

E legislacion ta revoca e espacionan defensible ey y rekisitonan di construccion, na su luga dirigiendo agencianan estatal pa crea modelonan di codigo cu gobiernonan local por scoge pa adopta.



E dos mapa mustando nivelnan di peligro pa incendio forestal a ser publica pa e Oregon Department of Forestry y desaroya pa cientificonan di Oregon State University.

Bao un ley estatal aproba na 2023, seguronan no por usa mapa di peligro di incendio forestal di un agencia estatal pa cancela of nenga renovacion di polis di seguro di propietarioonan, of pa aumenta prima. Pero hopi cu a opond e mapanan a bisa cu nan tabata incorrecto y ta pone

presion riba propietarioonan.

Expertonan cu a traha riba e mapanan a bisa cu nan tabata un stap importante den identifica y protege areanan vulnerable pa candela mientras e estado ta sigui mancha incendionan forestal cu ta kibrando record. E temporada di incendio forestal aña pasa na Oregon a kibra record pa loke ta costo y areanan kima, y candelanan durante Dia di Obrero na 2020 a mata nueve persona y a destrui miles di cas.

Pronostico di tempo

Tempo:

Awe nochi: parcialmente nubla y generalmente seco
Den marduga y mañan: parcialmente nubla cu un Awacero breve

Temperatura maximo 33 grado celsius
Temperatura minimo 27 grado celsius
Indice di calor (heat index) den y rond di oranan di merdia: 34 pa 40 grado celsius
Uv index: 12

Bahada di solo : 7:08 pm
Subida di solo : 6:17 am

Biento:

Moderate te basta fuerte for di direccion oost;
Forsa 4 te 5 (20 te 39 km/ora, 11 te 21 nudo)
Den di dia fuerte te posiblemente duro den rafaga;
Forsa 6 te 7 (40 te 61 km/ora, 22 te 33 nudo)

Situacion general di tempo pa proximo 24 ora:
Humedad persistente den parti oost di Caribe lo trece de bes en cuando mas nubia durante e periodo di pronostico aki. Esaki lo produci un awasero breve



riba algun parti di e isla. Mas aleu, un concentracion leve te modera di stof di Sahara lo stroba visibilidad y trece aire di calidad menos bon den region. Personanan cu tin sensibilidad pa cambionan den calidad di aire mester tene esaki na cuenta.

Condicionnan maritimo/estado di lama:

Na partinan protegi di costa: keto, rond di 1 pia.
Na partinan zuid: tranquil te modera cu olanan di 1 pa 3 pia.
Nanpartinan oost te noordwest di costa; generalmente modera cu olanan di 4 pa 7 pia, Localmente e por yega 8 pia.

Aviso/ alerta:

Ocupantenan di boto chikito mester bay cu cautela Na partinan oost, noord te noordwest di area di costa. Cautela mester wordo cherce riba lama habri.

Aurora

Royal Pray

Funeral Home & Crematory

Laga tur loke ta spera mi ta bunita Laga tur locual cu mi encontra na caminda ta bunita. Laga tur locual cu mi laga atras keda bunita y Laga esakinan termina den tur buniteza. (Cado Wever)



Sra. Anna Werleman Geerman “Machi, Pepe Chichi, Chichi Joon-“Jong””

Na number di su:

Casa: †Veronico Joon Weleman

Mayornan: †Roman Geerman y †Justina Tina Rasmijn

Yiunan:

Marcelino y Dionisia Werleman y Famia
Casimiro Milo Werleman y Hilda Cataño y Familia
Anna Werleman

Nietonan:

Morris Werleman
Tayron Werleman y Pareha
Micheal Werleman y Edweline “Lili” Krozendijk y Famia Bisanieto Maverick
Jayson Werleman
Milton Werleman

Rumannan:

† Mario Geerman y Nora Ras y Famia
† Juan Geerman y †Margo Bremono
Rosa Geerman y Candy Croes Y famia
† Mena Geerman y †Ino Vrolijk y Famia
† Eddy Geerman y Calista La Rosa Y Famia
Sita Geerman y Carlos Thode y Famia
Imelda Geerman Y Paulito Dirksz
Virgilio Geerman y Famia
Maxima Geerman y Victor Helder y Famia
Theo Geerman y Famia
Mando Geerman y Jacky Tromp y famia

Cuñanan, swanan:

† Alejandro Werleman y famia
Dorilia Werleman y † Rafael Koolman y famia
Maria Young-Werleman y Toyo Young y famia na Hulanda
Maxima Maduro-Werleman y Hubert Maduro y famia na Hulanda
† Urbano Gregorio Werleman y Francisca Werleman-Flanegin (Sjon Kita)

Ihanan: Astrid Croes, Gabriella Kock- Helder

Subrino: Maikely Geerman y Esposa y Famia, Sixto Geerman y Esposa y Famia, Randolph Geerman y Esposa y Famia, Edgard Geerman y Esposa Y Famia, Jennifer Martinus Y Famia, Juankito Geerman y Famia, Minguel Geerman y Famia, Mitha Croes y famia, Astrid Croes y Famia, Iraida y Croes y Famia, Francis Croesy Esposia, †Joselito, Vrolijk, Albert Vrolijk y Esposa y Famia, Rayen Britte y Famia, Joseany Geerman y Famia, Adeline Geerman y Esposo y Famia, Andre Geerman y Esposa y Famia, Jearitza Geerman, Jimmy Thode y Esposa y Famia, Jessica Colina y Esposo y Famia, Carlos jr y Esposa y Famia got, Minguel Geerman y Famia, Estelita Geerman y famia, Robert Helder y Jeannise Boekhouwer y Famia, Gabriella Helder y Roderick Kock y Famia, Nicole Helder, Juraynne Geerman y Famia, Roscllick Geerman, Leonel Geerman, Michealangelo Geerman, Haimito Geerman Y Esposa Y Famia, Andino Geerman, Radeshka, Bernadeta (Deta) Croes-Werleman y Famia, Gabriel (Vale) Werleman y Famia, Sylvio (Theo) Werleman y Famia, Rodney (Pachii) Werleman y Famia, Sra. Jeanice Arends-Werleman y Famia, Sr. Patrick Werleman y Famia na USA, Roberto Koolman y Famia, Illene Koolman y Famia

Famianan: Werleman, Geerman, Croes, Arends, Koolman, Young, Maduro, Flanegin, Dirksz, Tromp, Vrolijk, la Rosa, Ras, Helder, Rasmijn, Dorothal, Colina, Thode, Cataño, Hernandez, Oduber, Bremono, Boekhouwer, Krozendijk, Varis, Briesen, Schwengle Su tanta y omonan, primo y prima nan, comper y comernan, su amigonan, bisiñanan y tur su conocirnan.

Tur demas famia na Aruba, Merca y Hulanda

Gradicimento: Nos kier a gradici tur esnan cu a juda durante e enfermedad di Machi, na Dr. Anthony, Dr. Ras, Dr. Singh, Fundacion Edmond Harms, Angelo, Derlys, Rachel, Buurtzorg, Wit Gele Kruis.

Machi su deseo ta pa bisti color alegre manera Semper e ta.

Ta invita pa **acto di entierro** cual lo tuma lugar na Misa Inmaculada Concepcion na Santa Cruz diabierna 27 Juni 2025 di 2pm pa 4pm y despues lo sali pa Santana Catolico na Sta Cruz.

Oportunidad pa **condolencia** lo tuma lugar na Aurora Funeral Home diahuebs 26 Juni 2025 di 7pm pa 9pm.

Nos disculpa si den nos tristesa nos por a lubida un of otro famia.

Famia ta pidi disculpa cu despues di entierro nos no por ricibi bishita di condolencia na cas.

Aurora

Royal Pray

Funeral Home & Crematory

I love you, LORD, my strength.
The LORD is my rock, my fortress and my deliverer; my God is my rock, in whom I take refuge, my shield and the horn of my salvation, my stronghold.
Psalm 18:1-2

With profound sadness in our hearts, we announce the passing of our beloved:



Antonio Rodriguez Bryson

Better known as: Tony or Bryson

Sunrise: February 27, 1960

Sunset: June 18, 2025

Son of the late James Bryson and the late Ambrosine Bryson-Paris

He is lovingly remembered by his **wife**:

Rosa “Rosi” Bryson Simon

Sisters:

Felicita Bryson and family
†Patricia Paul Bryson and family in the U.S.A.
Rose Marie Nedd Bryson and Edison Nedd
Gloria Passape Bryson and family in Guadeloupe
June Bryson in St. Maarten

Brothers:

James Bryson and Willemina Bryson Huijser and family in the Netherlands
Rolande Bryson
†Francisco Bryson
Roberto “Paris” Bryson and Juliette Bryson Richardson and family in St. Maarten

Godmother:

Elsa Rouse in Curaçao

In-laws:

Mother-in-law:
Neida Simon Padilla

Sisters-in-law:

Belinda (Linchie) and Peter Hassell Simon and family
Regina (Nina) Simon and family
Rosario (Chayo) and Eugene de Lange Simon and family.

Brothers-in-law:

Martin (Papito) and Mariela Simon Dirks and family
Luis (Ito) and Lucelly Simon Lopez and family

Like sons:

Revin Brooks and family
Dylan de Lange

He is also mourned by many nieces, nephews, great-nieces, great-nephews, cousins, and godchildren residing in Aruba, Dutch St. Maarten, French Saint Martin, the U.S.A., Bonaire, the Netherlands, France, Guadeloupe, and Curaçao—too numerous to mention individually.

Related Families:

Bryson, Simon, Brison, Hazel, Hassell, Milton Nedd, Carty, Paul, Passape, Hanson, Roberts, Pantophlet, Brooks, Mac Bene Courtar, Leerdam, Nisbet, Rosalia, Lake, Rodgers, Antersijn, Croes, Huijser, Brown, Javois, Illidge, Groeneveldt, Padilla, Dirks, Lopez, de Lange, Schwengle, Vinck, de Cuba, Fujooah, Lesire and Arends.

Friends and neighbors:

You know who you are and we thank you for your love and support.

Ex-colleagues:

AMC Unicon

Funeral Service & Viewing

The funeral service and viewing will be held at Royal Funeral Home in Oranjestad on Saturday, June 28, 2025, from 9:00 a.m. to 11:30 a.m. The funeral service will begin at 11:00 a.m. Antonio will be laid to rest at Sabana Basora Cemetery following the service.

We apologize if in our moment of grief, we forgot to mention anyone. Be assured that this was not intentional.

Unfortunately, we are not able to receive condolences at home after the funeral.

Aurora

Royal Pray

Funeral Home & Crematory

Lagrima y flornan por seca, su recuerdonan y tur loke el a haci y significa pa nos, lo keda graba pa semper den nos mente y curason.
“Cerca Dios mi alma ta na paz, ta di DJ'E mi salvacion ta bin”
Salmo 62:1



Cu dolor na nos curason, nos ta participa fayecimento di:

Freddie G. Croes

Cariñosamente yama “Papa Eddy”

***17-11-1959 - †11-06-2025**

Na number di su **mayornan**:

Sra. Vda Luisa Croes-Koolman

†Menacio F. Croes

Casa: Leoncia B. Croes-Tromp (Sita)

Yiunan di criansa:

Hearvey Erasmus y Francia Erasmus-Lara y famia
Mayra Noguera-Erasmus y Wilmer Noguera y famia
Eugene Erasmus y Jonathan Velasco

Manera yiu: Yendrick Noguera

Nietonan Stima:

Kenrick y Jissiana Noguera y famia, Wilson Noguera, Jeremy Erasmus, Giovanni Erasmus, Yendy De Los Santos y Joshuan Tromp

Bisnietonan: Xiumei, Quianna, Kayson

Rumannan:

Siria Croes y Famia
Sra. Vda Maria Croes-Croes y famia
Edwin y Odette Croes - Gort y famia
Ingrid Croes y Massino Jacobs y famia
Lisette y Oliver Wever-Croes y famia
Sharline y Giantonio Muller-Croes y famia

Subrinonan:

Ferdinand, Kevin, Cedrick, Mohebe, Amal, Eeman, Mustapha, Carin, Estefania, Shawn, Kathleen, Kyla, Kyra, Keenan, Ethan.

Tanta y Omonan:

Sra. Vda Marianita Gomes - Koolman y famia
Juan y Elsa Croes-Muller y famia

Tantanen di Respet:

Sra. Vda Victoria Koolman-Kock
Sra. Vda Grace Koolman - Angela
Sra. Vda Mena Croes - De Cuba
Primo y Primanan na Aruba, Merca, Hulanda y Venezuela

Miho Bisiñanan:

Henry Garcia y Ramona Campos - Garcia y famia, Simon Rosario y Regina Disla del Rosario, Sunilda Disla del Rosario, Minerva Gonzalez

Amigonan di cas:

Persida Gomez y Famia, Roberto y Rosa Weller y famia, Eslyne Filiciana
Rumannan di Iglesia di Dios cu ta hopi pa menciona.
Tur su ex coleganan di Hospitaal, Hernac, Bohama, y tambe tur su ex coleganan musico.
Demas famia, amigonan y conocirnan: Croes, Erasmus, Noguera, Velasco, Koolman, Wever, Muller, Baroud, Gort, Sprok, Tromp, Franken, Flanegin, De Los Santos, Campos, Garcia, Maniram, Ramdoelare - Tewari, Disla del Rosario, Gonzalez, Rosario, Loeftstop, Lara, Filiciana, Gibbs, Weller, Van der Biezen, Van Bochove, Lie Hapo.

Despensa nos si den nos tristeza nos por a lubida un of otro persona.

Oportunidad pa condolencia:

Diaranson 25 juni 2025 di 7:00 pm - 9:00 pm na Royal Funeral Home

Acto di intiero lo tuma lugar:

Diahuebs 26 juni 2025 di 9:00 am - 11:00 am na Iglesia di Dios na Hooiberg # 29-H.
Despues lo sali pa Santana Centraal na Sabana Basora.

Aurora

Royal Pray

Funeral Home & Crematory

"Señor ta mi wardador,
mi'n tin falta di nada. Den
cunucu di yerba berde e ta
ponemi sosega. E ta hibami
na awa trankil, Pa mi bolbe
haya forsa". Salmo: 23



Cu tristeza na nos curason,
pero conforme cu e
boluntad di nos bon Dios,
nos ta anuncia fayecimento
inespera di:

Sra. Emelda L. Kock-Lopez

Mihor conoci como Ludwina

*25-04-1960 – † 19-06-2025

Na number di su:

Mayornan: † Martiliano "Cotty" Lopez
Regina "Ina" Lopez-Croes

Esposo: Jacobo "Lino" Kock

Yiu: Jayronn Kock

Rumannan:

Edwin "Tinchi" y Cathrina Lopez y famia
Hubert "Ibi" Lopez y famia
Franklin "Frank" Lopez

Sobrina y Sobrinonan:

Emely y Javier Geerman Lopez y famia
Eldwin Lopez (iha) y famia
Cathlyn Lopez
Antonio Lopez y famia

Prima y Primonan y nan famia, Tanta y Omonan y
nan famia, Swa y Cuñanan y nan famia, Comer y
Compernan, Amiga y Amigonan, Su bon bisiñanan
di semper, Su ex-coleganan di Quick Electrical
Services y famia Boekhoudt, Team di Tommy Kock
Speed Team.

Demas famia: Lopez, Croes, Kock, Orman,
Hoek, Rasmijn, Solognier, Geerman, Tromp,
Dirks, Richardson, Wever

Ta keda invita pa **acto di condolencia y entierro**
cual lo tuma lugar Diabierna 27 juni 2025 for di 2or
pa 4or di atardi na Aurora Funeral Home y despues
pa Santana Pastor Kraanwinkel na Paradera.

Nos disculpa si den nos dolor nos por a lubida un
of otro famia.

Nos ta lamenta cu despues di entierro nos no ta
ricibi bishita di condolencia na cas.

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na
caminda ta bunita
Laga tur locual cu mi laga atras keda
bunita y
Laga esakinan termina den tur buniteza.
Autor: Cado Wever.



Cu dolor na nos curason, nos ta participa
fayecimento di nos ser stima:

Emile Alois de Cuba

*10-11-1945 - † 24-06-2025

Acto di entierro lo wordo anuncia despues

Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haya forsa".
Salmo: 23

A fayece cristianamente



Glenda Gorgiana Maduro

*26-05-1952 - † 20-06-2025

Na number di su:

Yiu: Christopher E. Maduro

Mayornan: † Frans y † Damasa Maduro-Christiaan

Rumannan:

† Buchi, sra vda. Mirtha Maduro-Kelly y famia
Dolfi, Diosa Maduro-Garcia y famia
Ronny, Maria Maduro-Solognier y famia
Sandra, Marcelo Kelly y famia
† Frenky y famia
Ivonne y famia

Tanta: Sra. Vda. Denisia Kock-Dijkhoff

Primo y primanan, Sobrino y sobrinanan, ihanan, swa y
cuñanan

Na staff di Hospice Atardi, zusternan, huespednany
voluntarionan. Un danki special na Connie, Alex y Josua
cu durante e malesa di Glenda na Hospice Atardi tur dia
tawata tey pa cuidele.

Ex-coleganan: Doy Thiel, Lizayra Ponson, Marietje
Martines, Kenneth Figaroa, Magaly Maduro, Angela
Correa y demas Ex Colega y amiganan

Demas famia y conocirnan: Maduro, Christiaan, Garcia,
Solognier, Kelly, Kock, Croes, Dijkhoff, Blom, Farro,
Wing

Oportunidad pa concolencia: Aurora Funeral Home,
diabierna 27 di juni 2025 di 7:00 pa 9:00 pm

Acto di entierro lo tuma lugar na Aurora Funeral Home,
diasabra 28 di juni 2025 di 2:00 pa 4:00 pm, despues lo
Sali pa Santana catolico na Sta Cruz

Enbes di flor of krans lo tin un box disponibel pa un
donacion na Hospice Atardi

Dispensa nos si den nos tristeza nos pr a lubida di
menciona algun famia y of conocir.

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na
caminda ta bunita
Laga tur locual cu mi laga atras
keda bunita y
Laga esakinan termina den tur
buniteza.
Cado Wever.



**Lucia Filomena
Wouters-Croes**

*11-12-1950
† 23-06-2025

Cu dolor na nos curason, nos ta
anuncia fayecimento di:

Acto di entierro lo wordo
anuncia despues

Autoridadnan di Armenia ta detene y acusa arsobispo di plan contra gobierno



(AP) - Armenia su servicionan di seguridad a detene un di e pais su lidernan religioso top cu cargonan di terorismo diaranson y a acusa su persona di plan pa tumba e gobierno. Esaki a marca e di dos detencion den un siman di un oposicion politico prominente.

Arsobispo Bagrat Galstanyan, un figura grandi den e Misa Apostolico di Armenia, a keda deteni pa Armenia Investigative Committee, cual a acusa su persona di a plania ehecuta bombardeo y

atakenan cu candela pa stroba e red di energia y crea accidentenan riba cayanan grandi pa paralisa trafico. Su abogado a describi e cargonan como "ficción." Galstanyan ta lidera e movimiento den oposicion y a exige e renuncia di e Prome Minister Nikol Pashinyan, ken tabata enfoca di e manifestacionnan aña pasa pa miles di manifestante despues cu Armenia a acepta entrega control di varios pueblo na frontera cu rival Azerbaijan y pa normalisa e relacionnan entre e bisiñanan.

Aurora

Royal Pray

Funeral Home & Crematory

"Señor ta mi wardador, mi no tin falta di nada
Den kunuku di yerba berde e ta ponemi sosega"
Salmo 23

Agradecido pa tur lokual e la nifika pa nos, nos ta
participa fayecimento di



**Sra. Vda. Mildred Arsenia
Susanna-Girigorie**

Mihor Konosi komo "Mimi"

*14-12-1937 - † 24-06-2025

Anuncio lo wordo anuncia despues.

Ta risibi bishita di **condolencia** diahuebs 26 di
juni 2025 di 7or pa 9 or di anochi na Dadelstraat
3

Indonesia ta detene 285 persona den operacion grandi contra droga y ta confisca mas cu medio tonelada di substancia prohibi

(AP) — Autoridadnan Indones a bisa dialuna cu nan a detene 285 persona sospechoso di trafico di droga, entre cual tin 29 muher y siete stranhero, y nan a confisca mas cu medio ton di substancia prohibi durante un operacion di dos luna.

Indonesia ta un centro importante pa trafico di droga den Sureste Asia a pesar di su ley estricto, unda castigo pa contrabandista por inclui castigo di morto pa peloton di fusilamento.

E hefe di e Agencia Nacional di Narcotico, Marthinus Hukom, a bisa cu e operacion, cual a tuma luga entre april y juni den 20 provincia, tambe a revela skema di labamento di placa di dos organisacion di droga y a confisca activonan cu un balor di casi \$1.5 milyon.

Trintiseis sospecho, incluyendo 21 muher, a ser muestra dilanti di reportero den nan uniform di prison cu mannan na boei, hunto cu e droga confisca.

Hukom a bisa cu e muhernan deteni ta mayormente casa



sin trabou.

“Mi kier haci un yamado na muhernan Indones pa nan ta mas alerta ora ta forma amistad, tanto den bida real como den espacionan digital,” el a bisa durante un conferencia di prensa hunto cu oficialnan di ministerio di Asunto di Seguridad y di Aduana, cual a participa den e operacion.

Un di e subdirector di e agencia, Budi Wibowo, a bisa cu autoridadnan a confisca 683.885 gram di cristal meth, marihuana, ecstasy, THC, hashish y amfetamina, agregando cu esaki a yuda evita cu mas di 1,3 milyon ta haya nan.

Wibowo tambe a bisa cu organisacionnan di droga ta

usa varios metodo pa distribui droga na usuarionan via transporte terrestre y maritimo of via post.

E siete ciudadano stranhero tabata inclui un Mericano, dos Kazaja, dos Malaya, un Indio y un Australiano, Wibowo a bisa.

E Oficina di Droga y Crimen di UN ta bisa cu Indonesia ta un centro importante pa trafico di droga parcialmente pa motibo cu organisacionnan internacional di droga ta pone blanco riba su poblacion hoben.

Den un operacion separa, autoridadnan den e provincia di Isla Riau a revela dos caso di contrabanda di droga den su



awa den mei y a confisca 2,7 tonelada di cristal meth y 1,2 tonelada di ketamina, segun Hukom a bisa dialuna.

Na 2023, autoridadnan a revela mas di 52.000 caso di droga y a confisca 6,2 tonelada di cristal meth, 1,1 tonelada di marihuana y otro tipo di droga sintetico, segun Mochammad Hasan di e ministerio di Seguridad durante e conferencia di prensa.

Hasan a bisa cu e cifra a subi den 2024 cu mas di 56.000 caso y a confisca 7,5 tonelada di cristal meth y 3,3 tonelada di marihuana, cu un balor total di \$454.6 milyon. Autoridadnan a detene un total di 27.357 sospecho pa droga na november 2024, el a bisa.

Na comienso di luna, tres ciudadano Britanico acusa di contrabanda casi un kilogram di cocaina pa Indonesia a ser acusa den un corte na e isla turistico di Bali. Nan ta enfrentando castigo di morto bou di e ley estricto di e pais contra droga.


Casi 530 persona, incluyendo 96 stranhero, ta pendiente riba nan castigo di morto den Indonesia, mayormente pa crimennan relaciona cu droga, segun dato di e ministerio di Migracion y Coreccion. Ultimo ehecucion na Indonesia tabata den juli 2016, ora un Indones y tres stranhero a ser ehecuta.

Oficialnan ta bisa cu yudansa di EU pa soluciona division etnico di Chipre por trece beneficio pa tur hende

(AP) — Union Europeo (EU) por yuda soluciona e division etnico cu ta andando pa decadas den Chipre, door di enfatisa na tur banda involvi den e disputa cu un acuerdo di paz por trece beneficio y un mehoracion significativo den e relacion cu e bloc di 27 pais, segun oficialnan a bisa diamars.

Johannes Hahn, e emisario di EU pa Chipre, a tene su prome reunion diamars cu presidente di Chipre, Nikos Christodoulides, den su rol nobo, cual oficialnan ta spera por crea momentum pa reanuda e negociacionnan lidera pa UN.

Chipre a ser dividi den un linea etnico na 1974 ora cu Turkia a invadi despues di un rebelion cu tabata diseña pa unifica e isla cu Grecia. Turkia so ta reconoce un declaracion di independencia di 1983 di e Chipriotanan Turco den e norte di e isla, caminda Turkia tin mas cu 35.000 sol-



dad desplega.

Hahn a bisa despues di su reunion cu Christodoulides cu e lo contacta tur partido involvi, incluyendo Turkia, pa yuda construi confianza y sosten pa Maria Angela Holguin, ken ta lidera e esfuerso nan di paz como emisario pa Chipre representando Secretario-General di UN, Antonio Guterres.

Ora a puntra con EU por yuda cera e buraco entre e

posicionnan oponente di e bandanan Chipriota Griego y Chipriota Turco, Hahn a bisa: “tur partido tin interes particular relaciona cu EU y esey mes ta loke mi ta purba compronde den tur mi reunionnan.”

Aunke Chipre a bira miembro di EU na 2004, solamente e parti sur di Chipriota Griego caminda e gobierno reconoci internacionalmente ta disfruta di beneficio com-

pleto di miembro.

Turkia a cuminsa cu discusionnan pa bira miembro di EU na 2005, pero esaki a keda para pa motibo cu Turkia ta rechasa reconocimiento di e gobierno Chipriota como unico autoridad legal di e isla. Turkia ta keda interesa den finalisa e discusionnan di liberalisacion di visa cu EU cu a cuminsa na 2013.

Chipre ta sostene e relacion

mas cerca entre EU y Turkia mientras cu tin progreso cla den e discusionnan di paz pa Chipre, segun vocero di gobierno, Konstantinos Letymbiotis.

E obstaculo principal pa reanuda e discusion di paz ta e insistencia di Turkia y Chipriotanan Turco riba un acuerdo cu ta reconoce dos estado riba e isla. Esaki ta contra un plan di paz aproba pa e Consejo di Seguridad di UN cu ta contempla un Chipre federativo cu zonanan cu ta papia Griego y Turko.

Chipriotanan Griego ta rechasa cualkier acuerdo cu ta formalisa particion, pa motibo cu nan ta preocupa cu Turkia lo kier domina henter e isla, considerando su deseo pa mantene un presencia militar permanente y derecho pa intervencion militar den Chipre. Turkia tambe ta insisti cu e minoridad Chipriota Turco mester tin derecho di veto riba tur decision di gobierno federal.

Lidernan di NATO ta acorda pa aumenta gasto riba Defensa y ta reitera ‘compromiso fuerte’ pa defensa colectivo

(AP)—Lidernan di NATO a acorda riba un aumento masivo den gasto riba Defensa diaranson despues di presion for di presidente Mericano Donald Trump, y a expresa nan ‘compromiso fuerte’ pa yuda otro si un cay bao atake.


E 32 lider a haci un declaracion final di e cumbre bisando cu, “tur aliado ta compromete pa inverti 5% di GDP anualmente riba rekisitonan importante di Defensa como tambe gastonan relacion na Defensa y Seguridad pa 2035

pa asina cumpli cu nos obligacionnan colectivo y individual.”

E muestra di unidad a afirma e descripcion di secretario-general Mark Rutte cu e cumbre tabata “transformativo,” aunke el a revela divi-

sion. Trump a yama e aumento riba gastamento “algo cu ningun hende a pensa lo ta posible.

Espana ya a anuncia oficialmente cu e no por cumpli cu e meta, y otronan a expresa nan reservacion, pero



e compromiso di inversion ta inclui un evaluacion di gasto na 2029—despues di e proximo eleccion presidencial na Merca—pa monitoria progreso y reevalua e menasa di seguridad cu ta bin for di Rusia.

E lidernan tambe a subraya nan “compromiso fuerte” na e garantia di seguridad colectivo di NATO—“cu un atake riba un [di nos] ta un atake riba tur.” Prome cu e cumbre, Trump a expresa su duda atrobe si Merca lo defensa su aliadonan.

“Hunto, e aliadonan a establece e fundeshi pa un NATO mas fuerte, husto y letal,” Rutte a conta reporteronan despues di presidencia e reunion na Den Haag. “Esaki lo stimula un aumento grandi den nos defensa colectivo.”

E aumento den gasto ta rekeri cada pais pa gasta biyones di dollar. Esaki ta bin mientras Merca—e contribuidor mas grandi den NATO—ta dirigi su atencion for di Europa pa enfoca riba prioridadnan di seguridad otro caminda, notablemente den e Medio Oriente y Indo-Pacifico.

Espana a yama e meta di gastamento y deadline pa 2035 “no razonable.” Belgica a señala cu e no lo logra tampoco, y Slovakia a bisa cu e ta reserva e derecho pa dicidi riba su mesun gasto di defensa.

Prome minister Pedro Sánchez a para na banda di otro lidernan den e potret di e cumbre. Despues di e reunion, el a bisa cu Spaña por checuta plannan di defensa di NATO por medio di gasta solamente 2% di su GDP riba Defensa.

“Den e cumbre di awe, NATO ta gana y Spaña ta gana algo importante pa nos sociedad, cual ta seguridad y e estado di bienestar,” Sánchez a bisa.

Hunto cu Spaña, hopi pais Europeo ta enfrenta retonan economico grandi, y e guerra di tarifa di Trump ta hacie mas dificil ainda pa aliadonan di Merca yega na nan meta. Algun pais ya ta poniendo presion riba gastamento pa bienestar y ayudo den exterior pa aloca fondo extra den nan presupuesto militar.

Sweet Deals FOR SUITE DREAMS

VIP Weekend Event

15% OFF

CASH STOREWIDE

Open till 7 PM
Enjoy wine and cheese during these days while shopping.

SHOP NOW PAY LATER

AMC UNICON MEGASTORE
L.G. SMITH BLVD 144, ORANJESTAD

OPENING HOURS:
26TH TILL 28TH OF JUNE
9AM - 7PM